


# SAPI YAKU CHIKOLO

 Lisesa kana lyakupwa ha mbalaka! Kupwa kaha chakuhoana kutachikiza kuli yami, nawa. Ngwa, kutachikiza nge ufukuuno kuli kulikata ufukuuno, ngwazanga lwolalwosena, kachi Nguli kumwe, kwiza mukulikata. Mwomwo echi chili. . . Ngwashinganyeka nge Vakakulishitu vosena vatela kufwila mukulikata, mwomwo Yesu ahanjikile, “Kachi ove naulya keshi ngochoko, ove kaweshi na chihanda na Yamiko.” Shikangaho, echi chili. . . lwola lwosena lisesa lya—kwiza nakwingila mu mbalaka. Kahajino, ufuku uno, Ndumbu walunga Neville ngwenyi ikiye apwile kaha na kujoma chachindende, kaha—kaha nge Nanguhanjika ku chikungulwilo chetu. Ngwamulwekele Nangupwa wakuwahilila kulinga ngachize. Ngunatondo kuvilika nawa chize kachi. . .

<sup>2</sup> Hamene naufuku kuli kuliwana cha malunga, vakufwelela muliuka, hamene naufuku, kaha vakakusekasana hano muliuka liuka, ha ufuku wa kuliwana mu Chimwe na vyavo. . . kupwa nakusakula kuliwana na vakambi. Ngunashinganyeka enu vosena kwiwvushisa nge mapapilo etu—etu—etu kuya nakuhita, kaha etu tuli nakuyanakupwa nakutungu liuka. Kaha ngocho kuya nakuhita, kaha kuputuka uno mulungu. Eli liuka kuputuka uno mulungu, nge omu Ngwatachikiza. Kaha vakiko kwalumuka nakushikumuka, hano mu Jeffersonville. Oloze etu twayile ku Indianapolis, lifuchi, kaha vakiko vetavilile, shikaho etu natuya nakutungu echi. Kaha shikaho echi chaputukile, pamo, mulungu uno. Nachiya nakupwa chakutachikiza hanyima ya kuliwana hamene naufuku. Kaha jino hanyima ya kuliwana hamene naufuku, kachi vakiko navahona kuputuka uno mulungu, kachi chumachimwe nachisoloka, uze kambi keshi kuhasa kuputuka ou mulungu ko, ikiye ali nakuya jino nakuputuka kukavangiza mulungu.

<sup>3</sup> Kaha ou mulungu uli nakwiza, Sateli naufuku, Chalumingo na chimene na Chalumingo na ufuku, mukuhita cha mulungu, echi chili nakwiza cha Sateli na Chalumingo, nge Mwata netava, Ngwatondo kupwa na—na—na kuliwana chtatu, cheka, nge etu kulinga mumilungu yayindende kunyima okwo. Kaha jino hanyima etu. . . Chize nachiya nakupwa cha Sateli naufuku, kaha jino Chalumingo nachimene, kaha jino ufuku wa Chalumingo. Echi kutanga, chize nachiya nakupwa ha seteni na fwoteni muli uno kakweji.

<sup>4</sup> Kaha jino vamwe vandumbwetu kaha Nguli nakuya nakufumako hanyima ya lwola, kuze ku Colorado, ha mushipili wa unyanga, jino kwiza nakukinduluka cheka. Kachi mbalaka, omwo echi chinakumu, kachi echi nachipwa muchima wa Mwata, Ngwatondo kumbata, pamo, mulungu wosena

shimbu kanda Nguyenga cheka mukuliwana, kaha kupwa na Tutachikijilo Tutanu natuvali twamu Kusoloka. Shimbu kanda . . . Nge etu twapwile na *Visemunuino vya Mauka Vitanu navivali*, jino *Tuze Tutachikijilo Tutanu natuvali* kavangiza Chize.

<sup>5</sup> Kaha pamo muze pamo milungu nayiza kulutwe yivali mokomoko yitatu, mwomwo Ngwashingtonyeka vakiko kwitavila vakiko, na malunga vaze vakiko vali nakuya nakuvwala, vakiko vanahase, etu tunahase kutunga mbalaka na kupwa nawo mumakumbi likumi, mokomoko fifiteni, chumachimwe nge ngachize. Kahajino etu tuli nakuya nakupwa na kapete hano pamo kavali vathu kafwe, mokomoko katatu, pamo vathu vavavulu. Kaha eyi ikiko jila Ngwapwilenga nakuvandamina palanga luze lwola.

<sup>6</sup> Mwomwo, Sateli na Chalumingo, chapwilenga chuma chakukomwesa, munatachikiza. Vaze vathu vapwile vanema hano ha tu koloko na musana, kuzalisa mbalaka, shimbu kanda liuka linasokoloka. Chimene chashishileho, ha faifi koloko, nasi kuyoya chikolo nachishisaho kuli yami, kwiza kufuma kuze, ambile ngwenyi, “Kuze kwapwilenga vathu kuzala kwosena muze mumbalaka kuputuka na chimene cha faifi koloko.” Shikaho, kaha jino vathu, omu vakiko vengililemo, kakwapwile numba chihelako, kaha vakiko vapwile vakuzeyesa kaha vakiko vafumineko. Kaha—kaha jino vaze vanema, kaha kulumbika kaha vakiko vapwile na musenge, vakiko vevwile kupwa vakulikwata, kaha vyuma vimwe. Kaha Ngwamono mapwevo kwimana kuze, nakutukuchila, munatachikiza, nge ngachize, na kutukuchila kufuma hali vakiko. Kaha lunga umwe ahanyine na kuhana, pwevo umwe chitwamo; kaha jino ikiye mwaya nakwimana palanga mahinji eyi ali nakukukolesa, kaha muthuumwe weka mwaya nakumuhana. Munatachikiza, kaha nge ngachize, kaha chinapu chasonyi, na manevo vavandende na vyangochi, echi chinapu chachipi.

<sup>7</sup> Shikaho, etu kweseka kufumisa chize jino nakutunga mbalaka yayinene. Kaha etu natuya nakupwa na chihela chamwaza kuze kuli vana, lwola lumwe . . . na kuhonesa, nge vana vavandende vali nakulila; chamwaza, etu tuli nakuya nakupwa na kapete kuli chize, shikaho manevo vanahase kuya nakwingila, hanga kumona kutanga, kaha kupwa nakuvilika muzevene mukapete. Kaha kupwa na shikola ya Chalumingo mutupete kaha vyumavimwe kupwa kaha mumukana mujila yatela kupwa. Kaha chize, kachi Mwata netava, nachisoloka, kwiza mumulungu uno.

<sup>8</sup> Enu vosena vatele kupwa na handulendi peseti hali echi, shikaho etu twakwachilila mwakwoloka kuli chize, talenu. Eli liuka lili lyakulimanyina. Chuma muka liuka nalihanjika, mukiko kaha. Vakakufwelela muliuka mokomoko kalamuthu weka . . . Vaze vakufwelela vali kaha, umwe wosena, kuvota.

Ou pashita napu voti yimwe. Echi chinapu liuka, chili—chili kukasunuka cha liuka, kulimanyina cha liuka. Eli liuka, lyosena, kuhanjika. Mukiko kaha. Kaha etu nge ngachize, mwomwo etu katweshi nava mbishopu mokomoko vihela vyahelu mokomoko tulama mokomoko vyangocho kutulweka *etu, echi*, chize, mokomoko *chikwavo*. Ali Shipilitu Wajila muliuka, eji kuhanjikanga. Ngwazanga chize kuyula, kaha chili chamwaza.

<sup>9</sup> Kaha Ngwamuhulile, “Enu vosena mwatondo kuvandamina palanga etu twatela kutambuka nakuya mbalaka na kutunga liuka lyalinene?” Chize chili na lizavu lya vakufwelela muliuka, kaha kacheshi kupwa chakukuma na vakufwelela muliukako. Kaha jino vakiko vangulwekele, nge mukulwane wavosena, kwiza na kuhula liuka. Shikaho Ngwambile ngwami, “Jino etu tuli na mali akutamo akutohwesa seteko ya liuka na nakuyitunga mwakuhandunuka, kaha vyuma vyosena, kuhambakana vize twapwilenga navyo.” Ngwambile ngwami, “Jino etu tunahase kulinga echi hazevene, mokomoko kulwila mali palanga etu kupwa akutamo kukumisa liuka, kupwa lyalihya, muchihela chimwe nawa.”

<sup>10</sup> Kaha etu kumbata voti ha liuka, kaha chapwile kuvota chachinene vavotele “kuhaka liuka mukwoloka jino, kaha echi chili nakutunga liuka lyalinene hano vene.” Kaha etu tunatwame na chize.

<sup>11</sup> Kaha eli lizavu hano mu Jeffersonville kukana, kuhanjika etu katweshi kuchilingako. Kaha etu twayile kuze, kaha kuya ku Indianapolis na kupwa na Lifuchi kuli echi. Kaha jino vakiko vatumine cheka lizu, nge, “yako kulutwe,” etu tuli na jila yakutungila echi. Shikaho jino mbongi kayeshi nachuma chimweko na echi jino, yinapu Lifuchi lyatela kulinga echi. Shikaho jino etu tuli na kwitaviza chosena, kaha kambi ali na—na kwitavila mulivoko lyenyi hano vene, kaha Ngwashingtonyeka vakiko vali vakulizanga kuputuka ha kala lwola.

<sup>12</sup> Echi hamene naufuku, kachi nge—kachi nge kambi mwahanjika nge ikiye natondo kuputuka mulungu nawizaho, Jino Nanguya nakufumisako echi kuliwana cha . . . palanga etu wkiza nakwingila mu *Tuze Tutachikijilo Tutanu na twali*. Kaha jino kachi kambi keshi kuhasa kuputuka mulungu nawizaho, kahajino kukavangiza Chalumingo, Sateli na Chalumingo, Nanguya nakupwa na kuliwana shimbu kanda kuseza.

<sup>13</sup> Kaha jino Ngwapwile nakuya nakupwa na Chalumingo, kaha jino kuwana ufuku uno kupwa kulikata chaufuku, shikaho Ngwafumishileko echi Chalumingo. Mwomwo, lizavu kana, enu kamweshi kuhasa kupwa na kulikata chakusuwuluka, kaha jino omwo etu natupwa na liuka lyalinene etu tunahase.

<sup>14</sup> Jino, etu tukwechi Kolokoko yalifuchi. Va . . . mamalelo, munatachikiza omwo Ngwatwale, echi vachihanyine kaha kuli

chisaka cha Ackerson keshi hanyima chikumako. Kaha ndumbu wapwevo ou napu mukakwimbisa kalyalya, kachi ikiye mweza kaha kuhana mwakwimbila chindende hano ha kalyalya, cha “Vaneheni Vakiko Vengile,” kachi ove muya, mokomoko mwaso waundende wa muyachi kana. Ou wautongwe wamundende muze mu chisaka cha Hickerson, uze vanavandamina chikuma, neza. Mukweze umwe wamwaza, kaha ikiye punduvene napu lilolwa lya ndando yayikalu kuli Hickersons. Kaha vakiko vapwa voseni va yuleya kuli etu, etu twazanga vakiko kaha vakiko vanapu ndumbwetu walunga na wapwevo. Etu tuli vakusakwilila hakupwa na ou umwe kusemuka mu chisaka chavo, echi chinapu vene kutungulula chisaka. Kaha kachi vakiko, tata na mama mwaya nakuneha ou mukweze jino kukujika. Jino, echi Chisoneka ngwacho, “Vakiko vamuneheli kuli Ikiye, vana, nge Ikiye nahase kuhaka livoko Lyenyi hali vakiko na kuvakisula.”

<sup>15</sup> Jino, kuli vathu muno mukaye vase vafwelela kaha chize veji kuvulukanga nge “kujimika cha vana.” Kaha, echi chili, vakiko kumbata ava vakweze kaha keshi kuvajimika vakiko mwoseni, mwomwo, vakiko kusapwila na meya hali vakiko. Jino, etu katwawanyine nge kumwe mu Mbimbiliya, kuze vakiko vahashile kusapwila kalamuthu, wamukulwane, vavechele vana ukawavo.

<sup>16</sup> Kaha shikaho lujimiko lunapu kwitavila nge mulimo wamukachi wa likoji unalingika. Kaha vana vavandende kaveshi na chinyingi cha shili ko. Shikangaho, omwo Yesu afwile ha kulusu, Ikiye afwile nakumbata shili ya kaye. Kaha omwo uze kamba mweza nakupwa muthu, kaha kusemuka muno mukaye, vakiko kaveshi ba shiliko ya vaveneko, shikaho vakiko kupwa nakulinga lukonekelo. Oloze, omwo chize, aze Manyinga a Yesu Kulishitu eji kumbatanga shili. Mukiko vene, uze kamba nasemuka mushili, wakusongolola mu upapwoke, kwiza kukaye nakuhanjika makuli, kaha vakiko vanapu vakashili ha chisemwa, oloze Manyinga a Yesu Kulishitu kukosa chize. Oloze nge uze kamba nakolo kuheta museteko yakulitavila lyavene, kaha natachikiza vya kwoloka na vyakuhenga, kahajino echi chatela kupihilila nakwalumuka hali echi chinalingika. Echi chinapu shili kupwa kaha nge kusemuka mu shili, echi chinapu shili ya muthu, shili jino shili eyi Alama na Eva alingile; kaha uze apwile wakuzanga kuli Kalunga, ha Manyinga a Yesu Kulishitu. Jino uze kamba keshi nashili nakwalumukako kufuma palanga ikiye jishili, kahajino ikiye atela kupihilila nakwalumuka. Talenu? Kaha omwo ikiye mwapihilila nakwalumuka, kahajino hilwola lwakujimika, kaha jino ikiye vamujimikile ha kumbwichika.

<sup>17</sup> Palanga luze lwola, etu kukavangiza jindondelo ja Mbimbiliya, jize, “Vakiko vanehele Yesu vana vavandende, nge Ikiye nahase kuhaka mavoko Eyi hali vakiko na kuvakisula.”

Ou sepa wakuzanga ufukuuno kuneha kema wamundende kuli pashita kaha Ngwa, nakuvakujika. Kaha vakiko vali nakwivwa nge kuswanyisa echi mu mavoko a Kulishitu, vakiko vali nakuchihaka mumavoko a Kulishitu. Kahajino, ha lufwelelo, etu natumbata uze kema kuli Kalunga, kuhana kusakwilila hali echi hano, na kuhula Kalunga kukisula echi, echi tuli nakuvuluka “kukujika vavandende.”

<sup>18</sup> Jino, munatachikiza omwo Nangupwa hali vana vami. Ngukwechi kanyike wapwevo wamundende mu Upahu ufuku uno, kaha ikiye apwile wakukujika kuli Mwata, hano ha kamenga. Ngukwechi kanyike walunga na kanyike wapwevo natwame kunyima kuze, ufukuuno, uze kanda vamujiikeho. Umwe, leveni, Ngunapunga nakuhanjika kuli ikiye hali echi lelo, Sala, ha lujimiko. Kaha Joseph napu kaha na myaka seveni, shikaho ikiye napu wamundende hali chize, kwakusuku palanga. . . Kachi ikiye mwachifwila echi, kaha kuhanjika Kalunga apwile nakuhaka muchima wenyi, Nanguya nakuchilinga jino. Oloze, nge kema, Nguli nakuvakunjika kuli Mwata, mwomwo chize chinapu kunangula cha Chisoneka.

<sup>19</sup> Ndumbu walunga Neville, kachi ove muya nakutambuka hamwe na yami jino kuli ou kanyike walunga wamwaza. Ngwapwile na woma. . . Ou napu Hollin? Hollin? Yaa, Hollin, Nswana. Stephen Hollin. Chamwaza, chize chamwaza. Mamalelo, Ngwashingtonyekele ikiye apwile nakusavala. Echi chikiko chisemwa cha Hickerson, kalachuma chili nakuya. Ngwamumwene ikiye likumbi likwavo, Ngwambile ngwami “uze Kolokoko,” kaha na vyangocho. Kaha, mukiko vene, uze wamundende naikiye, talenu, kuhanjika hali ikiye nge “Kolokoko yalifuchi.” Shangwenu mwane? Chamwaza, Ngunatachikiza chize chili wakukashiwa kupwa naluheto kuli kala naye wakumukomoka kalunga. Kaweshi kuhasa kushinganyeka ngochoko? Kuyema chikuma. Kaha jino, Ndumbu walunga Hickerson na Ndumbu wapwevo Hickerson, nge vangamba ya Kulishitu, nge pashita yove, Ngwambate ou kema, ha lufwelelo, kumavoko a Yesu Kulishitu, muli Ikiye ove unahase kumuhaka mumavoko Eyi.

<sup>20</sup> Echa etu tunongame mitwe yetu nge kafunga kaha Ngunemana hano na mavoko etu hali kema.

<sup>21</sup> Ove Tata wa Mwilu, mu Mbimbiliya vakiko vanehele Ove vana vavandende, nge Ove unahase kuhaka mavoko Ove hali vakiko na kuvakisula. Kaha mwamuchano, Mwata, vakiko vapwile vakukisula. Kaha jino kukavangiza chakutalilaho Chove, vyuma vize Ove walingile, etu tuneseka kanawa, Mwata, kutanga Mbimbiliya na kukavangiza chakutalilaho nge omu Ove walingile. Kaha ou tata na naye, Ndumbu walunga na Ndumbu wapwevo Hickerson, tumbaji va wakuzanga hano mu mbalaka, kuneha kuli etu kuwahilila chindende nge Ove unamuhake mukuzakama chove. Echi chinafumu kuli Ove,

Mwata. Ove wavahanyine ou mwana. Kaha jino vakiko kufwila kuhana kuyoya chachindende kuli Ove, kupwa kutanga kuli Ove. Ngwalombo nge Ove uyenga nakukisula ou mwana, nge Ove uyenga nakutuhana chiyoyelo chachisuku. Echa echi chiyoye, kachi chinahase, kumona Kwiza cha Mwata. Ngwalombo nge Ove uyenga nakukisula echi kwosena chili. Echa apwenga wakulisa muzuvo ya Mukakulishitu, nge omu nasemuka kuli umwe. Kaha echa atwalileho muli yino zuvo. Echa ise na naye kuyoya kumona kema mukamenga, kachi chahashile, kunangula Mujimbu wamwaza. Vakiko vanahase kumona mujila kana, Tata, kuhambakana ha—ha litanda ha White House, mokomoko kala chuma, mwomwo vakiko vanapu vangamba Jove, kaha kufwila kuyoya cha kema nakupwa wakukunjika kaha wakuhaka kumulimo wa Kalunga.

<sup>22</sup> Jino Ngwalombo, Tata, nge Ove uyenga nakumukisula mwana. Kaha echa likoji lya Kalunga kwiza hali echi, kaha echa chipwenga wakulikangula na kuwahilila chosena cha chiyoyelo chenye. Kaha echa tata na mama kuyoya nakumona ikiye kupwa wakukula, etu twalombo cheka. Mukisule etu twamukisula mu Lijina Lyove.

<sup>23</sup> Kaha jino, wamundende Stephen Hollin Hickerson, Ngunakuhane kuli Yesu Kulishitu, chize kukisula chize etu tunalombo echa kwiza hali ove. Pwenu vakulikangula na kujikiza, ndumbwami walunga wamundende, kaha echa ove uyoye atohwesa Kalunga. Mu Lijina lya Yesu Kulishitu etu twalombo echi. Amena.

Kalunga akukisule. Kalunga amikisule enu vosena. Naou kema uyema.

Kuze katweshi kakolako, katweshi kapwa  
tushinakaji,  
Mu Lifuchi kuze etu vosena katweshi  
kakulako;  
Katweshi kakulako, katweshi kapwa  
tushinakaji,  
Muli lize Lifuchi muze etu katweshi kapwa  
tushinakajiako.

<sup>24</sup> Echi kacheshi chamwazako? Uze mukweze mwaya nakupwa mukakulifukula, kaha uze kashinakaji mwaya nakupwa mukweze. Jino, echi kacheshi chamwazako? Kaha etu katweshi kapwa nakuvizako, mokomoko ushona, mokomoko katweshi kafwako.

<sup>25</sup> Jino, kutangisa, Ndumbu walunga Neville navilika. Ngwatondo kuvilika jino, nawa, chize kuliwana, kanda kuvulyama echiko, kaha kuliwana chize ikiye ahanjikile. Nawa, Pwevo lya Ford uze apwilenga nakwiza kuliuka myaka okwo, Ngwamutwalilile mwana nenyi wapwevo, makumbi anahichi, kaha ikiye ali eyite myaka yakusemuka, kaha ayile nakuliwana

na Mwata ufuku unahichi ha eyiti koloko, Ngwashinganyeka. Kaha kutangisa, uze pashita na Yami natuya nakupwa na kutangisa kuze ku Coots' Chitatu, ha teni—teni seti, echi Chitatu chili nakwiza. Pwevo lya Ford, Pwevo lya . . . Ngwashinganyeka Ngwavulyama chumamuka . . . Levi, Pwevo lya Levi Ford. Wetu . . . Chize—uze napu Lloyd Ford naye uze mumonenu mumukanda wami, nge ikiye apwile nakuya nakulamina suti ya Boy Scout, kaha Ngwapwile kaha ngwasalile na mulukwe wakulikwata. Jino, uze—uze ikiye naye ya kanyike walunga. Shikaho Ngwamumbachile nakuya nenyi likumbi likwavo na kulomba nenyi, uze kashinakaji wakuhutwa. Kaha ikiye ayile nakuliwana na Mwata Yesu.

<sup>26</sup> Jino, kachi Mwata netavila, Ngwapwanga nachuma chimwe hano chize Ngunahase kuvilika chize kutangisa, kachi vakiko kwiza kuli ou mulungu nawizaho, kachi Ngunahake vakiko muno, mokomoko kusongo Ngwashinganyekele Ngwalingile, pamo omu Ngwapwile nakuya nakuhanjika hali—ha—ha kwiza, echi kutangisa chili nakwiza hakukavangiza cha mulungu. Kachi Ngwa—Ngwashinganyeka . . . Ngwashinganyekele Ngwachihake mu mukanda, Ngunahono kutachikiza nge Ngwalingile mokomoko nduma. Eyo, hano mukiko chili. Ou Mwata netavila, Sateli naufuku Ngwatondo kunangula ha mutwe wachihande wa *Mwomwoika Muthu Umwe Kufungulula Kuyoya cha Mukwavo*. Kaha Chaluminga na chimene Ngwatondo kunangula ha *Ha Kuhaka Musongwa Ha Kaposhi*. Kaha ufuku wa Chalumingo Ngwatondo kunangula hali *Twamina Yami*, mutwe wachihande, *Twamina Yami*, ha kwiza cha Chalumingo na ufuku. Jino echa Mwata akisule vyuma kana na kungukafwa, nge omu Ngunapu kweka, kaha kupwa chindende nakulipika nakuvambata.

<sup>27</sup> Jino ufukuuno, etu twatondo kuzangula kupwa na vyuma vyavindende. Mujila yikwavo, Ngukwechi mukanda hano nge—nge kwiza kaka mumukanda, nge Billy aunonele kunyima okwo, nge vamwe vandumbu vali mu Michigan, kaha kwiza kufuma kukuliwana cha vakakuzata chize chikwechi vyuma vyavivulu. Chize chikiko cheji kupwanga na kulipika, enu mwamono. Chize, vakiko kuvuluka hano nge vamwe vandumbwami kuze vambile ngwavo Ngwavatumine kuze, kaha vakiko kunangula nge malunga kupwa nakuseza mapwevo javo na kuhanga lunga wamushipilitu, kaha nge—nge Nguli wakuhina mukukupuka. Kuze kakweshi chumamko . . . Kaha, mamalelo, vyuma vimwe vyavipi enu mwevwa lyehi. Kaha kuliwana cha vakakuzata vakwachile chize, kaha vakiko vangusonekelele mukanda hali echi, kaha nge Ngwavatuminyine kuze kaha chanehele chimbalanganyi. Kaha vamwe vavo kupolofweta na kuhanjika nge lunga atela kuseza *ou* pwevo na kuya nakumbata *uze* umwe weka. Jino, lino liuka lyatachikiza nge etu katwemanyina ha vyuma vyakuzeneka mangana nge ngachizeko.

<sup>28</sup> Etu twafwelela mu Mbimbiliya. Etu twafwelela nge omwo lunga mwambata pwevo, uze ikiye pwevo lyenyi, kaha kufwa kaha chikiko nachivahandununa. Mukiko kaha. Etu katwafwelela vyuma kana vyangachizeko. Etu katwafwelela mukulisavala nakala muthu unatondoko, chipwe mukala mwosena omwo. Etu katwafwelela muvyuma kanako. Etu twafwelela Mbimbiliya kaha, kaha Ikiye ukawayo. Shikaho Nanguya kaha nakufwatula, ou mukanda, kaha nakuhana kukumbulula chami kaha kuhaka mumangajinyi, kaha chize nachiya—chize nachiya nakuzakamina chize. Ngwafwelela cheji kulingikanga, mwosena omwo, kumbulula kuli vakiko.

<sup>29</sup> Jino ufukuuno, shimbu kanda etu tufukunune Chisoneka, echa tuhanjike kuli Mwata wetu.

<sup>30</sup> Ove Tata wa Mwilu, etu tuli nakupandama ku Litanda Lyove lya keke, mu Lijina lya Mwata Yesu, Uze Umwe wamunene Uze ejile nakushikumuka kufuma mu Upahu na kulivungununa etu luheto lwa luheto lwa Kalunga. Omwo etu twasakwilila Ove hali ou Yesu wamunene Uze apwile kusoloka cha Kalunga, alilingishile hakapanji kuli etu, kaha kuhichila muli Ikiye etu natupwa na kusokoka kufuma kushili. Kaha etu tunahichimo lyehi kufuma mukufwa nakwingila mu Kuyoya, mwomwo etu twafwelela Ikiye. Mwomwo echi vachisoneka kuli Ikiye, nge Ikiye ambile ngwenyi, “Wosena mwevwa Lizu Lyami na kufwelela hali Ikiye uze angutumine Yami, ali na Kuyoya cha hayamyaka; kaha keshi keza kukamusopesako, oloze nahichi lyehi mukufwa nakwingila mu Kuyoya.”

<sup>31</sup> Kisula Mazu Ove, ufukuuno, Mwata. Kaha etu tuli hano nakumbata kulikata kupwa kaha mulwola lwalundende. Mukakulishitu, vakwetu venyembo va Muwangana navakaya nakujinguluka kukamenga, kaha kuze vakiko navaya nakumbata chumamuka etu tuli nakuvuluka “kulikata,” chize—chize chihanda chachindende cha—cha ngolo chize Ove unaseze, kusoloka nge etu twafwelela nge Ove unafu ha jishili jetu, na kusanguka cheka ha likumbi lya muchitatu, na kuyoya haya myaka, na kulinga echi palanga Ove mukinduluka, kutesekesa na Visoneka nge omu vatulweka. Kujilika michima yetu kufuma kuvishinganyeka vyavipi na vyosena vize etu twalingi nge kulimbalaka na punga Yove yayinene. Tata, tukonekele etu, kaha tuhane etu likoji Lyove ufukuuno. Kutuhokola etu jino Mbolo ya Kuyoya, mu Lizu, shimbu natutanga Echi na kuhanjika hali Echi. Mu Lijina lya Mwata Yesu, etu twalombo echi. Amena.

<sup>32</sup> Jino mu Mukanda wa Kusoloka, kuputuka na vasi yimwe kaha, Ngwafwila kutanga vasi 20, mokomoko vasi 1 ya kapetulu 20.

*Kaha Ngwamwene kangelo afumine mwilu, apwile na sapi ya kuviana wakuzeneka kukuma nalilenge lyalinene mulivoko lyenyi.*



<sup>33</sup> Jino Ngwatondo kuhanjika, kachi nachihasa kupwa, kachi Nanguchivuluka kupwa kutangisa kufuma muli echi, mokomoko kufumisa kutangisa muli echi, kupwa hakutangisa mu twende mokomoko minyutu twende faifi, Nguzange kuchivuluka, *Sapi Yaku Chikolo*. Jino, Kangwazangile ku—kutunga “jisapi,” mwomwo Petulu vamuhanyine “jisapi ja Wangana.” Oloze Ngwatondo kuvuluka echi kupwa: *Sapi Yaku Chikolo*. Kaha jino hazevene hanyima ya echi, Ngwafwila kuhana kuhanjika chachindende ha kulikata, shimbu kanda etu tuchimbate ufukuuno.

<sup>34</sup> Jino, sapi. Ngunatachikiza hano shimbu etu natutanga, nge ou Kangelo ejile kufuma Mwilu, kupwa na sapi mulivoko lyenyi. Ngwafwelela echi chinapu Kusoloka 13 mokomoko 19, etu tunawane cheka, Kangelo weka kwiza na sapi. Kaha sapi yinapu, punga ya sapi, yapwa kukasunuisa chumachimwe, chumachimwe chize vakasanga, mokomoko echi kupwa chumachimwe chize chakutela kukasununa. Oloze sapi vanayihane punga kana.

<sup>35</sup> Jino, kwatwama jisapi jamiyachi na miyachi, mwomwo etu tukwechi vyakuzachisa jisapi vyavivulu. Kuli jisapi ja kuzuvo kakulamina vyuma. Kwatwama sapi ya kuzuvo yove, kwatwama sapi yakumotoka yove. Kaha josena twajivuluka kupwa jisapi, kaha japwa jisapi. Kaha vakiko vanahase kuwafwatula, kapapa kakavulu. Mokomoko kuli ize zuvo, kuze lwolalumwe vanahase kuwatunga, muze twavuluka kupwa, nge sapi yakusokolwesa kala chikolo. Mujila yikwavo, yinapu sapi vatunga mwaya muyachi watupachiso, kulinga hali echi, nge—nge kuchongonona muze vakasa mujila yimwe kaha kuhasa kukasununa kala chikolo, yayivuluka kupwa “sapi yakusokolola kala chikolo.” Yinapu jisapi kaha jakukasununa kala, kaha vanahase kuyikashisa mujila kana, na mazuvo etu mokomoko numba jimotoko jetu, vanahase kujifwatula. Kaha jino kwatwama na . . .

<sup>36</sup> Kala sapi kayeshi kuhasa kusokolola chikoloko palanga nomu yapwilenga na livoko. Echi chatela kupwa nachuma chimwe chakuzachisa sapi. Ize sapi ivene kayeshi kuhasa kulizachisa yiveneko. Echi chatela kupwa nachuma chimwe chakuzachisa sapi.

<sup>37</sup> Echi chili nge echi chihungo chize Ngwa—chize Yami nguli nakuhanjika kuhichila. Chize chihungo chikiko chihungo. Kuvangila kuli chuma chimwe cha kuhanjika kuhichila muli echi, kacheshi kuhasa kuhanjika kuhichila muli chiveneko. Echi chatela kupwa chumachimwe kuhanjika kuhichila muli echi. Shikaho, echi kacheshi chihungo ko, chili lizu mokomoko ize—ize vyema (hanyima) nge echi chihungo kutambwisa mu—mupeho, kuneha kulitwitwi lyove.

<sup>38</sup> Jino, eyi ikiko jila ili nakunangula Mujimbu wamwaza.

Keshi etu vaveneko, nge vakakuzata, etu katweshi Mujimbu wamwaza ko. Oloze etu tunapu kaha vakakutambwisa eli Lizu lya Kalunga kuhichila muli vethu, malunga, nakwiza kuli vakakwivwulila.

<sup>39</sup> Kaha chimweno chapwa mujila yoyimwe. Kangweshi nachuma chakuhanjika kuli lino liukako halwola luno kutwala ku chimweno. Oloze kachi Shipilitu Wajila mwaya nakusolola, chatete, kuli yami chatete chimweno, jino kaha Nangutambwisa chize chimweno kuli umwe uze vanachinehela. Shikaho kachapwile chamiko, yami, chimweno kachapwile yamiko, Ngwa. Apwilenga Kalunga ahanyine chimweno, kaha Ngwalingile nge mukakunungulula, kuneha mujimbu wa chimweno kuli vathu.

<sup>40</sup> Jino, sapi ili chuma chochimwe. Ngukonekelenu. Ize sapi ili kaha nakuyikwata mulivoko lize na kusokolola chikolo. Talenu, yatela kupwa mulivoko. Jino, kaha mu sapi Nguli nakuya nakuhanjika ufuku uno, napu kaha livoko limwe linahase kukwata eyi sapi, kaha eli linapu livoko lya lufwelelo. Echi chinapu kaha chuma chinahase—chinahase kukwata eyi sapi. Kaha mavoko kukwata jisapi, kaha chinatondeka livoko lya lufwelelo hali echi.

<sup>41</sup> Jino, etu kumbata kaha nge sapi ya chinyingi. Jino, lunga atela kupwa, kachi ikiye ali nakweseka kulumbika chinyingi, talenu, jino, kuli sapi kuli chize. Kuli jila uze lunga atela kusokolola. Ikiye atela kupwa. . . kumbata mikanda yenyi na kulinangula chenyi, kaha ikiye keshi kuhasa. . . naumwe pimbi nahase kumunangula ikiye. Vakiko pamo vanahase kutangisa ikiye, oloze ikiye atela kulinangula. Kaha jila kaha ize vanahase kulingika, ikiye atela kukwata ize sapi, nge chumachimwe muze chize chili nakulikusununa mokomoko kuli-. . . kusolola kuli ikiye chinyingi chize ikiye ali nakutonda.

<sup>42</sup> Kaha kuli vathu nge navaya nakweseka kuhema kalyalya, kaha vakiko. . . mokomoko myaso. Vakiko vanahono kutachikiza mwakulingila, oloze vakiko vahashile kuya kuze na mulongeshi nahase kumbata kulinangula hanyima ya kulinangula, kaha vakiko kaveshi kuhasa kulinangula echiko. Vakiko kaveshi kuhasa kukwata ize sapi mangana akuswekako, omu kwimbisa na kuvuma cha jisambo na vyangocho kuvuma. Echi chinatondeka sapi.

<sup>43</sup> Kaha kumakumi, kwatwama sapi ya kumakumi, ize ove watela kutachikiza nakukwachililako. Ngunamono malunga vase vanahase kumbata jijila jivali ja manambala, kaha kuhaka minwe yavo, umwe ha jisona javo, kaha kwiza kaha nakushikumuka nge *ngachize* pamo faifi mokomoko sikisi jinambala mukujiminyina, kaha kuhaka kukumbulula kufuma kwishi. Kusoneka mujijila jiwana halwola lumwe, kala mwosena kufuma kuli umwe nakutwala ku nayini. Chamwaza, Ngwapwile

na lwola lwalukalu kupwa na jila yimwe yajinambala, kuvangila Ngupwenga na minwe yakutamo na minwe yakumahinji numba kulava, kupwa—kupwa na jila yimwe yajinambala. Nguli kaha kanda lyehi nguwane ize sapi. Oloze, mwamono, vamwe vavo vali kaha na sapi ya echi, vakiko vanatachikiza mwakulingila.

<sup>44</sup> Kaha kuli sapi ya chinyingi, muthu hanyima ya chinyingi. Kuli sapi ya sayasi, chifwanyisa cha sayasi. Jino, kuli, ize ikiko sapi yayinene. Vathu veji kutala hali ize sapi.

<sup>45</sup> Nge hano lwola lumwe kunyima okwo vakiko vawanyine numba atom, kaha kutachikiza nge kuze kwapwile ma atom, kaha Jino ma atoms kutunga ma molecules na vyangocho. Jino, vakiko vakwechi kutondeka, muthu umwe kufwelela kachi ize atom kukwata hamwe kaha vyumavimwe kupwa hamwe, kachi atom yinahase kwalumuka, ize yinahase kumbata chumamuka chinakwate na kuhokoka muvihanda. Mwomwo, vyumavimwe kukwachilila kuli atom, etu tunatachikiza chize. Jino, ize panda yinakwachilila na ma atoms. Enu nenu vanaminungu hamwe nama atoms. Uze mwila, mitondo, vyuma vyosena kupwa hamwe na atoms. Chamwaza, kachi aze ma atoms, kwalumuna vyosena jila yimwe, kachi vanahase kuyihokola na kwalumuka kunyima, jino nayiya nakwenyeka. Kaha, jino, va sayatisiti vavanene vafwelela nge chize chinahase kulingika, kaha vakiko vafulilenga kaha vakiko vafulilenga, kaha vakiko vatwamine ola hanyima ya ola, kaha mulungu hanyima ya mulungu, mwaka hanyima ya mwaka, palanga makumishilo vakiko vafungulwile.

<sup>46</sup> Echi chapwile, Ngwafwelela, Thomas Edison, ha kumunyika, nge vakiko kuhanjika nge mauthu apwile na chinyingi chize ikiye nahase kupanga kahaya kakeji. Ikiye kutunga bulb kumunyika. Kaha ikiye kahashile numba kuya kukahelako ufuku. Ikiye kumbata chindanda mulivoko lyenyi na kulya, kaha kutwama haze nakushinganyeka mwakuzachila. Kumwe mujila kunyima kaha kunyima muvishinganyeka, chumachimwe chamulwekele ikiye mwaya nakuchilinga. Chuma muka echi? Eyi yinapu sapi ize yinahase kusokolola jila.

<sup>47</sup> Keshi myaka yakunyima chikumako, kuze kwapwilenga umwe—umwe muthu uze afwelele nge ikiye apwilenga na talenda ya kusoneka vize vyakufunda funda. Ikiye afwelelele ikiye akwachile sapi mulivoko lyenyi. Kaha ikiye atondele...ikiye ayile...Ikiye ayoyele mu Kansas. Ikiye ayile kuli mukakulumbununa lipapilo lyalinene mu Mbongi ya Kansas, kaha ambachile kusoneka chenye. Kaha uze mukakulumbununa ambile ngwenyi, “Mwane, ove kaweshi nachoko. Ove, kakweshi nakutondeka kwesekako, ove—ove kaweshi kuhasa kuchilingako.” Oloze uze kasuulwishile ikiyeko. Ikiye atachikijile apwile nacho. Kaha ikiye akindulukile cheka na cheka, kweseka, oloze ikiye (uze lunga) mwaya nakumusuwulwisa. Makumishilo, ikiye ayile kuvihela vyeka, kaha vakiko vamukanyine, kuhanjika, “Mukulwane, ove

kaweshi nachoko. Ove kaweshi kuhasa kuchilingako.” Oloze ohonyi ikiye afwelelele ikiye ahashile kuchilinga. Kaha omu mukiko mujila, ikiye akwechi chumachimwe mulivoko lyenyi! Makumishilo, ikiye awanyine mulimo wakusoneka mikanda yimwe, Ngwafwelela, mukakusoneka mokomoko chumachimwe vya liuka, vyuma vimwe vyavindende vya kufunda funda ha liuka. Kaha ikiye kufwetela zuvo lyavene yaindende muli watu- mokomoko tupokoto, muze mwapwile tupokoto mwosena kuhitangana na vyumavimwe, mumalata eyi, kaha ikiye kupwa nakuvatala kupwa chaungeji wavamwe tupokoto vavandende. Haze hafuma mujimbu wa Mickey Mouse waputukile. Jino unapu wajimiliyoni uze Walt Disney. Mwomwoika? Ikiye apwile nachuma chimwe mulivoko lyenyi, kaha ikiye atachikijile ikiye akwachile chize, ikiye atachikijile nge nahase kulinga chize. Kaha ize ikiko jila kala kuhasa chosena chapwako. Omwo malunga na mapwevo kupwa nachuma chimwe mulivoko lyavo, nge vakiko vatachikijile nge vanahase kuchilinga.

<sup>48</sup> Omwo polio yakwachile ha lifuchi. Nge, etu vosena vanatulweke jino kutambula ndongo, kupwa chinjikizo. Omwo mwavetaho. . . Zau Ngwapwile nakwivwulila kuli ndotolo nge omu Ngwapwile nakwendesa mujila, ndotolo vamwe kufuma ku Louisville. Ikiye ambile ngwenyi, “Myaka yayindende kunyima okwo, omwo musongo waunene wakuveta mu Louisville,” ambile ngwenyi, “kachi malunga vemaneyine kuze Ngwalingile, kaha kumona fifite seveni mwakuhwimina halwolalumwe na malunga, mapwevo, vanyike vamaalunga na mapwevo, nakalepa na musongo vavuluka kupwa na ‘kalepa,’ kaha kuze kakwapwile chuma chimwe chinahase kulingika hali chize.” Ngwenyi, “Kangwazangile kumona chuma chekako.”

<sup>49</sup> Oloze sayasi kushinganyeka, “Kachi nakukapwa vyuma kana chachipi nge musongo wa kalepa, kulivene chumachimwe chatela kuhonesa.” Vakiko vazingile, vakiko kwimana mujijila na booth, aze kakahya, vakiko vahakile matepa, kaha vakiko kulembelela, vakiko vanehele, vakiko kulinga vyumavimwe, kweseka kuwana nge sapi yakusokolwesa lize chize chikolo mangana chikasunuke. Kaha, makumishilo, Umwe wautongwe Mukakulishitu wa lijina lya Salk awanyine ndongo. Mwomwoika? Kuze kwapwilenga kupihya chachipi, kuze kwapilenga mukakujihya; kuze kwapwilenga sapi kumwe ize yahashile kusokolola nakuneha kukukasunuka cheka kuli muthu, kaha ndongo ya Salk yapwile vitumbo vivene. Mamalelo, chuma sapi yinahase kulinga! Ize ndongo yapwile kaha yanehene, kaha jino kupwa kufumisa chinjikizo cha kalepa na vitumbo, mwomwo chize chapwilenga “kuhona kuzeya na kuhona kwechela hakachi,” ize yapwile sapi yapwile kumwe. Kuze kwapwile chumachimwe nachihasa kwingisa, kaha vapwile vakufwila vene kuchiwana.

<sup>50</sup> Kaha kachi kuli vyuma kana nge kalepa kakapi, diphtheria,

chingongo, chishika cha meso ngengu, tetanus, kuhenga cha jimbangi, na vyangocho, ize sayasi, evi vyavipi, vinapunga vyakutela kuzunga, likumbi na ufuku, palanga vakiko kuwana kukingiwa kufuma kuli chize, mwomwo chinapu chachipi, napu mukakujija, omu chikuma kuze sapi ya ulwilo hali muthu uze apwile mukamenga ka shili? Kuze kwapwilenga sapi yakuze ku chikolo, yakukasununa vathu kufuma muli chize.

<sup>51</sup> Eyi sapi, kakavulu, omu nayalumuka nakusoka, kaha, omu ove muwana ize sapi, yatela kupwa yakuluheto lumwe, chumachimwe chize chinatela, mokomoko ove kaweshi kuhasako numba kusokako. Kachi kayeshi kupwa yakutelako kusokolola, echa eyenga kaha. Oloze omwo nayipwa yakutela kusokolola! Shikaho sapi kakavulu yapwa— yapwa chumachimwe, mokomoko mujila yakwingilila mu chumachimwe chize chinatela. Kaha sapi, yikiko mulimo wacho, jino, nayiya nakukasununa chumachimwe chize chinatela.

<sup>52</sup> Jino etu natutanga muli Mukakujila Yowano, kapetulu 10, Yesu ambile ngwenyi, “Yami Chikolo chakuli mikoko. Yami Chikolo,” keshi ka chikolo, “chize Chikolo, Chikolo kaha. Yami Jila, Jila kaha, Muchano, na Kuyoya, kaha naumwe muthu mweza kuli Tata oloze hali Yami. Yami Chikolo cha kumikoko kaha voseni navahona kwiza kuhichila muli Yami vanapu vakakole, veji kaha vihwanga.” Ikiye napu Chikolo cha kumikoko. Ikiye napu Chikolo cha ulwilo.

<sup>53</sup> “Kakweshi lijina lyekako vanahane mwishi ya Mwilu lize ove watela kupwa wakulwiliwa, kuvangila kuhichila mu Lijina lya Yesu Kulishitu.” Kakweshi liuka, kakweshi chikungulwilo, kakweshi jishimbi jauthuko, kakweshi kunangujola kalachuma; shina kuhichila mu Lijina lya Yesu. Echi chikiko—ize yinapu Sapi. Shikangaho Petulu nahase kuzachisa umwe wavo ha Likumbi lya Pendekosita! Vakiko vatondele kutachikiza mwakuwanyina Chikolo. Ikiye azachishile Sapi. Kaha kuli kaha Sapi yimwe, mwomwo kuli kaha Chikolo chimwe. “Yami Chikolo.” Kaha Petulu apwilenga na Sapi kuli Echi. Kaha ikiye ngwenyi, “Pihililenu nakwalumuka, muthu himuthu, kaha vamijimike mu Lijina lya Yesu Kulishitu chakuneha kujimbangana shili yenu, kaha enu namutambula luheto lwa Kalunga.” Eyi yinapu Sapi yaku Chikolo, kaha Yesu napu Chikolo.

Kuli kaha Chikolo chimwe kuka, kaha Yesu napu Chikolo.

<sup>54</sup> Kuli Chikolo chimwe kaha cha kuunda. Yaa. “Kuunda chami Ngunamihanecho.” Ikiye kaha umwe napu Chikolo kukuunda cha mwenemwene. Ove unahase kushinganyeka ove kupwa nakuunda. Ove unahase kulilunjikila mali akutamo nakulanda limbo lyove, ove unahase kulilunjikila mali akutamo kulanjila vana uvwalo, Kupwa nakulya, oloze ove unahase kulilunjikila puho nakupwa wapuhu muli vathu. Oloze omu ove mufuma

mujisapato na ufuku nakupwa wakulizanga kusavala, kuli kaha Chuma chimwe nahase kukuhana kuunda. Chize chili, kachi ove unejiva nge uli nakufwa ufuku uze, kuli kaha Kuunda chimwe, kaha, echi chili, Yesu apwa Kuunda. Ikiye apwa Kuunda chetu.

<sup>55</sup> Ikiye napu Kuka chetu. “Yami Yehova Kalunga kenu uze mukakuka misongo yenu yosena.”

<sup>56</sup> Ikiye napu Chikolo cha Mwilu. Kaha kakweshi numba chikolo chikwavoko mokomoko kakweshi jila yekako shina kuhichila muli Yesu Kulishitu. Ikiye napu Chikolo cha Mwilu.

<sup>57</sup> Kaha jino Yesu napu Chikolo kuli vyuma vyosena, kaha lufwelelo lunapu sapi ize yeji kusokolola Chikolo. Jino, kachi Yesu napu Chikolo jishiko josena ja Kalunga, lufwelelo mu mulimo Wenyi wakumine kusokolola chikolo chosena chakuheta kuze mukachi ka Wangana wa Kalunga. Talenu echi? Sapi ili . . . Lufwelelo lunapu sapi ize yeji kusokolola kala lushiko Ikiye eji kulinga. Ize sapi ya lufwelelo yeji kulinga ngachize, lufwelelo mu mulimo Wenyi wakukumisa lyehi. Echi chili eji jisapi etu tuli nakuhanjikaho.

<sup>58</sup> Jino mu Hepelewu, kapetulu 11, Ngukwechi lungoji lwalunene lwakusoneka hano, lwa chindume cha lufwelelo. Yapwilenga sapi, na—na Chikolo, uze emanyine mukanwa ka ndumba. Yapwile sapi, lufwelelo, luze lwasokolwele mazuvo atumenga. Lwapwile lufwelelo, sapi ya lufwelelo, ize vahonesele ngolo jakakahya, kuchina uvwela wa poko, kuneha kufwa kupwa kuyoya cheka. Lwapwile lufwelelo, sapi ya lufwelelo muli Kalunga wakuyoya. Lize livoko, uze lunga, uze pwevo, uze nahase kumbata ize sapi ya lufwelelo, vakiko vanahase kusokolola kala lushiko lwa Kalunga. Oloze kachi ove kaweshi na ize sapiko, ove kaweshi numba kweseka, ove kaweshi kuhasako kusokolola. Ove muya nakuveta hali echi, mwomwo eyi sapi . . .

<sup>59</sup> Kala sapi yakutunga kanawa tupachiso mukachi ya loko, kaha nachitondeka chumachimwe, kusoloka chimwe cha jisapi kwalumuna tupachiso tumwe. Kaha kupwa kaha kamwe kakandende kufumisa mujila, kuya nakupwa majilo chuma chosena.

<sup>60</sup> Shikangaho, Ngwafwelela mu Mujimbu wamwaza wa kuzala, Lizu lyosena Iya Kalunga, lize kwalumuna ngolo ja Kalunga kukusununa, chize kukusununa kukisula Chenyi kuli vathu. Eyi yinapu sapi yaku Chikolo, ize yili nakusokolwesa Echi. Mamalelo, jize vindume jajinene, vase tupolofweto na vindume ja malunga ja Mbimbiliya, ize yapwile na sapi! Ou ukiko mulonga vakiko vahashile kusoka tunwa twa vandumba, kujima utenu wakakahya, kuchina uvwela wa poko, kuneha vafu cheka kukuyoya, kaha kulinga vikomwesa vyosena, yinapu mwomwo vakiko vakwachile ize sapi kaha vakiko vatachikiza yazachile, mwomwo yapwile sapi yakusemuka mu Chisoneka.

<sup>61</sup> Jino, kachi Nguli nakupalatata na sapi yajishimbi ja vathu, Ngunahono kutachikiza chumamuka nachiya nakulingika. Kachi vakiko navahanjika “liuka lyami lyeji kunangulanga *echi*,” Ngunahono kutachikiza hali chize.

<sup>62</sup> Oloze omwo eyi Mbimbiliya yatunangula echi, kaha Ngwakwachile sapi mulivoko lyami, mokomoko mumuchima wami, ize yahanjika “nge Lizu Iya Kalunga,” lize nalijima utenu wa kakahya, naliya nakusokolola kuka cha mukakuviza, naliya nakusokolola ulwilo wa mukakujimbala. Ngwatela kwiza ku Chikolo, vyuma vyosena vili mu Lijina Lyenyi. “Kalachuma enu namulinga mu lizu mokomoko vilanga, kulinga vyosena mu Lijina Lyenyi.” Kutachikiza nge sapi eyi yli nayo yinapu lufwelelo, mwomwo yinapu sapi ya kutunga na Chisoneka. Jino, kachi echi chinapu sapi ya jishimbi, sapi ya chikungulwilo, Ngunahono kutachikiza chuma muka nachiya nakulingika. Oloze kachi echi chinapu sapi ya Chisoneka, nachiya nakusokolola, mwomwo Kalunga ahanjikile ngocho. Jino, mamalelo, shikangaho vakiko vanahase kwimana na ngolo jakakahya, na vyangocho, vakiko vapwile na sapi.

<sup>63</sup> Kalunga chuma chatete kuli vosena vaze tupolofweto, kwauchi chinahasse kuvemika. Ikiye katelele kulinga ngachizeko Ikiye eji kulinganga kuli yami lwola lumwe, thwamina na cheka, kaha pamo enu (Ngwafwelela), oloze ngulame kungulweka yami, “Yako nakulinga echi,” kaha jino ove muya naku kulimbuka, “Kahajino yako nakulinga *echi*,” kaha “Yako kunyima na kuchilinga cheka, ove kaweshi kuhasa kuchilingako.” Kupwa kaha lihunda lyalindende! Kupwa kaha, vakiko vanahase kwivwa Shipilitu kuvalweka, “Echi chinapu chuma chakulinga,” kaha kakweshi chuma nachiya nakwimika vakiko. Ndumbu walunga, vakiko—vakiko—vakiko kwimika tunwa twa vandumba, vakiko kuchina uwela wa poko, vakiko vahonesele kakahya, vakiko valingile vyuma vyosena. Kupwa kaha lihunda lyalindende kufuma kuli Kalunga, mwomwo vakiko vambachile sapi mulivoko lyavo, luze lufwelelo lwalunene! Vakiko valingile vyuma vya Kalunga mwomwo kakweshi chuma nachihonesa vakiko. Mamalelo, omu chili chaupahu!

<sup>64</sup> Nge mukweze walunga lwola lumwe ejile kuli ndumbu walunga wakashinakaji uze apwile muthu wakumukomoka kalunga, kapolofweto wakashinakaji wa Kalunga. Kaha ikiye evwile uze lunga lwola lwosena kwambulula, kutwalilaho kwambulula kuwaha cha Kalunga, kaha omwo Kalunga apwile, kaha chumamuka Kulishitu apwilenga, kaha kupwa nakuya kulutwe, kuhanjika. Makumishilo, ou mukweze walunga apwile nakuya nakupwa wakatongola mu mulimo, shikaho ikiye ejile kuli uze mukweze wamwaka, kaha ikiye ahanjikile kuli ikiye, “Mwane, Ngwatondo kukuhula ove chihula.”

Ikiye ngwenyi, “Lomba, mukweze walunga.”

65 Ikiye ambile ngwenyi, “Kumana Kulishitu alumbunuka chikuma kuli ove nge omu unahanjika Echi?”

66 Ikiye ambile ngwenyi, “Ikiye kulumbununa chikuma kuli yami kuhambakana omu Nanguhashila kuhwima nakuhanjika!” Yenu haze vene. Chuma muka echi? Ikiye awanyine sapi.

67 Uze mukweze walunga ambile ngwenyi, hali chize, “Kachi ove nauvuluka vyuma kana, kaha ove muhanjika kuli yami nge vakiko vapwa vene vamwenemwene, kahajino Ngwatondo kutachikiza Yesu youmwe, mu muchano.” Chumamuka echi? Ikiye atachikijile uze kashinakaji ka lunga apwile na sapi, nge ikiye nahase kusokolwesa na kuhasa kusokolola.

68 Munatachikiza, sapi ize nayisoka yikiko nayisokolola, nawa. Talenu? Ove unahase kukasuna mokomoko kukasa. Echi chakwoloka. Ize sapi yoyimwe nayisoka yikiko yoyimwe nayisokolola. Ize sapi nayisokolola, yinahase kusoka nawa. Kaha echi chili vene, talenu, mwomwo cheji kuzata jijila josena. Omu chili chasonyi nge liuka linajimbalisa chimweno cha echi! Chuma kana cha ushona nge omu chapwile omu loiuka lyalilanjishile kujishimbi jauthu, nge etu twalingi lelo, kaha jino kuvuluka kulinunga.

69 Etu twamono kuze kuli kulema cha Vakaloma na vakiko vali nakuya nakuliwana jino, vakiko vali nakuya nakwalumuna jipunga jimwe. Ngwashingtonyeka vakiko kavalumukileko; oloze vakiko vali nakuya, mwosena omwo, hana kala kapilishitu ngolo ja popu, kaha—kaha kala kwosena ikiye ali, na vyangocho. Omu chili cha sonyi, nge liuka lyalilanjisa kukunangula chauthu kachi mu Lizu ko. Talenu? Muze mukiko vakiko vasele ize sapi, hazevene. Ou ukiko mulonga vikomwesa vyavinene na vinjikizo vinazachiwa mukachi kavathu lelo, nge muze mwapwilenga, vakiko vanajimbalisa sapi! Yaah, vakiko vanatachikiza Chikolo, vakiko vatachikiza Chikolo chili muze, oloze chuma chikwavo shina sapi yakusokolola Chikolo. Ize luheto luli kunyima ya Chikolo. Vakiko vakashile, kufuma kumeso, kufuma kuli vakakuzeneka kufwelela. Oloze mukakufwelela, uze ali na lufwelelo kaha nahase kumbata sapi ya lufwelelo, nahase kusokolola Vikolo. Eyo, mwane.

70 Lwola lumwe hano mummyaka yayindende kunyima, kuze kwapwilenga ndumbu walunga kamishonali, kaha ikiye ewwile nge kusanyika cha Africa. Ikiye apwile mukweze; pwevo na vana vavali, wamwaza, vanyike vamapwevo, pamo seveni mokomoko eyiti myaka yakusemuka, kuhakamo. Kaha ou mukweze kahashile kufuma kuli chizeko. Ikiye apwilenga na—na mukakuzata, ikiye apwilenga na liuka lya mwaza mulifuchi. Oloze ikiye kahashile kufuma muli chize kusanyikako, ikiye “atela kuya ku Africa.” Kaha ikiye alombebe, likumbi na ufuku. Ikiye katondele kuya ko. Kaha Kalunga atwalileho kuhanjika kuli ikiye, “Ove watela kuya!” Kaha makumishilo



ikiye ejile kuchihela palanga ikiye, chakusolwesa, kulihi, ikiye—ikiye atela kuya!

<sup>71</sup> Shikaho ikiye ayile ku lizavu lya vakutuma muliuka lyenyi, kaha ikiye ambile ngwenyi, “Kalunga nasanyika yami mukutama muwande mujila kunyima okwo mumusenge wa—wa Rhodesia.” Kaha muze mumusenge atambwilemo malaria, na chishika kaha na kuzuma cha musana, misongo ya mbumba, kaha miyachi yosena ya misongo yamuze mumusenge, kupwa hali ikiye haze apwilenga na...kumbata kunoka mu kuyoya chenyi. Alanjishile limbo lyenyi na vyosena ikiye apwilenga navyo. Shikaho lizavu lya vakakutuma vatondele ikiye, kaha vakiko vambile ngwavo, “Ove uli wakukunyuka jino?”

Ikiye ambile ngwenyi, “Yami nguli wakukunyuka.”

<sup>72</sup> Vakiko vahanjikile kuli ikiye, “Mwane, ove uli nakushinganyeka hali eyi jila, nge ove ukwechi vanyike vama pwevo vavali vamwaza, kaha ove kupwa na—na pwevo wamukweze wakuzanga, kaha kachi ove uli kaha... Mwomwoika unahonene kuya na kumona omwo chili kaha jino kinduluka?”

<sup>73</sup> Ikiye ambile ngwenyi, “Nduma, Mwata angulwekele yami. Mamalelo, echi chili vene chamwenemwene!” Ikiye ambile ngwenyi, “Uze Mwata angusanyikanga. Kaha Ngwa—Kangwazangile kuya kwimbo lyami, Kangwazangile kuya kuliuka lyami na vathu jami, oloze Mwata angusanyikanga yami kunyima kuze mupambo.”

<sup>74</sup> Kaha ikiye ambile ngwenyi, “Mwane, unatachikiza venu vavandende vama pwevo vanahase kupwa na mashika akuchilanyisa meso mokomoko mashika akususa masu alava, kaha kufwa, muufuku kaha?” Kaha ikiye avalwekele ha vathu vakuhandunuka vaze vajimbalishile vana vavo, vakweze vavandende, kumbata vakiko kukinduluka muze, ha misongo ize vakiko kavapwile na kukingiwako. Kaha ambile ngwenyi, “Shinganyeka na mbumba, pwevo lyove wamwaza kaha kanyike kove wapwevo na mbumba, kaha chize kuzuma na vyuma ove ukwechi kuhitamo.” Ambile ngwenyi, “Kaweshi na womako, kaha ponde ya kumbata vana na pwevo muchihela kana?”

<sup>75</sup> Kaha kamishonali kwimana kuze, mukweze walunga, kaha masoji kuputka kupwelumuka kumakili eyi, ikiye alumukile nakujinguluka, ikiye ambile ngwenyi, “Vandumbwami! Chimweno chami cha kusanyika cha Kalunga,” ikiye ambile ngwenyi, “kachi Kalunga nangusanyika kuli Africa, vana vami na chisaka chili chakukingiwa chikuma mu litungu lya Africa kuhambakana kala chihela muno mukaye.” Amena. Chuma muka echi? Ikiye apwilenga na sapi ya kusanyika chenyi, ikiye apwilenga na lufwelelo muli chize ikiye apwilenga nakuhanjikaho. Mamalelo, Ngwashingtonyekele, chuma kana chaundume! Omwo Ngwevwile chatete chize, muchima wami

watumbukile. Talenu, “Kachi Kalunga nagusanyika kuya kulitungu lya frica, vana vami muze mumbumba na misongo na kalavyuma nawa, vakiko vapwile vakulingiwa kuhambakana kala chihela kumeso ahamavu.” Ikiye apwilenga na sapi. Mukiko chatela kupwa.

<sup>76</sup> Omwo enu mukwechi sapi, kakweshi numba womako, kakweshi kukakasana, kakweshi numba chihulako. Ove kawatela kuhula kala muthu hali chizeko, munatachikiza vene. Ove watela kupwa nacho mumavoko ove, munatachikiza mwakulingila. Amena. Ove unatachikiza chumamuka mutambula, unatachikiza chize chikolo kwingila nakusokoloka. Ove kutala tupachiso kaha ove kutachikiza echi mukiko vene chuma chakwoloka, chize chikolo kuya nakuhita kusokoloka omu ove mumbilamo sapi.

<sup>77</sup> Mamalelo, kachi eli liuka lili nakuhetuwa na jisapi! Kachi eli liuka kupwa kaha nakuheta ize sapi ya lufwelelo, etu tunahase kusokolola kala chikolo, kala misongo, kala ukalu, kala ukalu uli haze. Echi chinahase kupwa chakusokoloka kuli etu kachi etu tunahase kaha kuheta eyi sapi. Ou lunga apwilenga na sapi yakusanyika chenyi.

<sup>78</sup> Kachi ove muya nakukonekela mujimbu wahakapanji. Ngunanuka ha fifiteni, myaka seveteni kunyima okwo jino, pamo, omwo Mwata ahanjikile kuli yami kuze kukalwiji, omwo Ikiye ejile nakushikumuka mu Panda ya mulangi wa Kakahya Chize chifwanyisa enu mwamono, kaha Ikiye ahanjikile kuli yami kaha Ikiye ngwenyi, “Ove watela kumbata ou Mujimbu mukaye kosena.”

Kaha Ngunanuka ku Green’s Mill omwo Ikiye ahanjikile kuli yami.

<sup>79</sup> Kaha Ngwayile na kumulweka pashita, kaha ikiye angulwekele, ngwenyi, “Billy, chuma muka ove walyanga ufuku unahichi ngana? Ove wapwanga na kulota.” Ikiye ahanjikile, “Yako kunyima kumulimo wove. Ove uli nakuzata ku Public Service Company, ukwechi mulimo wamwaza, yako kunyima kaha twalilaho kuzakamina kusekasana chove—chove, mwana.” Ambile, “Ove wapwile na kulota. Ove uli nakulya chumachimwe.” Chize kacheshi kuhasa kungufumisako!

<sup>80</sup> Omwo Ngwaputukile kuya kukutanga cha kukuka, enu vavavulu hano munanuka Mujimbu wami chimene chino, *Nge omu Ndavichi Ajile Nakuliwana na Ngolyate*, Ngwanangwile hali echi.

<sup>81</sup> Kaha vakiko vangulwekele, ikiye ambile ngwenyi, “Mu likumbi lya kutona cha sayasi, omu etu tukwechi miyachi yosena ya kutalatala cha muchipatela, omwo etu tukwechi mandotolo vamwaza, omwo liuka linavulyama kuka cha Ukalunga na vyangocho, myaka yayivulu kunyima okwo, omu ove uli nakuya shimbu kanda uze wamunene nge ngachize? Nauya

ngachilihi nakutambuka kumeso a Mesondisiti, Mbaputishiti, Pulishiteliyani, na vyangocho, kaha numba va Pendekosita, ou avwulyamine lwola lwakunyima, kaha ayile mujishimbi javo? Nauya ngachilihi na kulimona, na chikungulwilo mokomoko chuma cheka chakunyima? Nauya nakulinga ika, Bill?” Mujila yimwe, mukwavo, kachafumineko hali nyami, mwomwo Ngwakwachile mulivoko lyami sapi! Ngwambile ngwami. . . Vakiko vambile ngwavo, “Naumwe pimbi mwaya nakukufwelela ove. Ove kaweshi kuhasa kulinga ngachizeko. Naumwe pimbi mwaya nakukufwelela ove.”

<sup>82</sup> Ngwambile ngwami, “Kangwalizakamina. Kuli chuma chimwe pundu; Kalunga angusanyikanga, kaha Ngwatela kuya mwomwo Kalunga angusanyikanga.” Ngwakwachile sapi. Ikiye angusanyikile, Ikiye angulwekele yami, Ikiye angulwekele yami, kaha Ngwamwene Kupwa Chenyi omwo Ikiye angutumine, kaha sapi yapwilenga kuze!

<sup>83</sup> Uze kafunga ambile ngwenyi, “Na shikola ya mango seveni, kaha ove uli nakuya nakunangula na kulomba kumeso ava myangana na vavalemu!”

Ngwambile ngwami, “Echi chili kutesekesa na Lizu Lyenyi!”

<sup>84</sup> Pamo luno lwola mwakawali, mokomoko mulungu mokomoko yivali shimbu kanda, omu Nagwiza kuliuka hano kaha kumilweka nge Yehova Kalunga nanguhane chimweno, nge kuya mushipili wa muunyanga, kaha kanyama umwe—umwe Ngwapwile nakuya nakuwana, nge apwile nakuya nakupwa na jimbinga fwote tu hali ikiye. Kaha mujila yakukinduluka kufuma hakupwa nauze kanyama (kuze ikiye asavalile, chihela mwaya nakupwamo), mujila yakukinduluka Ngwapwile nakuya nakumujiha uze mulusu wutomonoka. Kaha Ngwayile kuli eyi chihanda chimwe, kaha Ngwahanjikile kuli muthu, kaha ikiye ngwenyi, “Kanda lyehi ngutachikize nge kala kanyama mwasoloka nge ngachize. Kaha nge omu apwa mulusu utomonoka, Kanda lyehi ngumumone.”

Ngwambile ngwami, “Oloze kumwe chatela kupwa hano.”

<sup>85</sup> Shikaho ikiye ambile ngwenyi, “Etu katweshi numba kuya mulifuchi lya mulusu. Etu tuli nakuya kuli mikoko, kuya helu lya mambulisi.” Chamwaza, Ngwayile nenyi.

<sup>86</sup> Kaha likumbi limwe, muze vene mulipenga muze uze Mwata ahanjikile ngwenyi, muze muli uze kanyama. Shikaho omwo Ngwayile na kumbata kanyama, kaha shimbu etu twapwile nakumbata chikova na jimbinga na vyangocho, kufuma, ikiye ngwenyi, “Ngwatondo kukuhula ove chuma chimwe. Ove wangulwekele, makumbi atatu kunyima okwo omwo etu twasele chize—chize chilombo, chize hanyima ove wasemene uze chisuma, nge mujila yakukinduluka ove ‘muya na kuya nakujiha mulusu utomonoka.’”

Ngwambile ngwami, “MUKIKO MWANAMBE MWATA!”

<sup>87</sup> Ngwenyi, “Kangweshi nakukakasanako,” ikiye ngwenyi, “mwomwo ndumbwami walunga apwile mukakutunya, kaha ove kanda lyehi ngumumone muchiyoyelo chove, omwo ove wapwanga hano lwola lumwe, kaha ove wangulwekele nge kanyike walunga mwaya na kuhinduka omwo Ngwalingile chuma chimwe. Kaha ikiye apwile.” Ikiye ngwenyi, “Jino, oloze, Ndumbu walunga Branham, Ngwatondo kukuhula ove,” ikiye ambile ngwenyi, “Ngunahase kumona mujila yosena mbwe na kupili kuze kwatwama tambo, kuze tuvalu vanema. Kaha kuze kakweshi chumako. Kuze kakweshi numba kamwilako, kuze kakweshi lilolwako, kuzew kakweshi chumako.” Ize mbimbila, yapwile pamo tu inches helu, pamo kuhambakana tambo, kusuwa milosi mokomoko kuhambakana ize tambo. Ambile ngwenyi, “Kulihi mwapwa uze mulusu?”

<sup>88</sup> Ngwambile ngwami, “Kalunga apwa Yehova yile. Kachi Ikiye angulwekele yami nakuya nakupwa mulusu, nakuya nakupwa umwe kuze.”

<sup>89</sup> Kuze kupili, pamo lwola lwosena etu natupwa na chimbwa cha mailosi mokomoko ngocho, kupandama, ikiye ambile ngwenyi, “Ndumbu walunga Branham, lwola hali uze mulusu kusoloka.”

Ngwambile ngwami, “Kanda kulizakamina ko, ikiye mwaya nakupwa hano.”

<sup>90</sup> Kaha omu etu natupwa mukachi pamo faifi handulendi yati nakuze kwapwile tuvalu, etu twatela kunoka cheka na jimbinga jajinene na vyuma kunyima. Kaha ikiye atalile nakujinguluka cheka, kaha Ngwamwene meso eyi nge omu atalile hali yami, nge kachi mukachi ka muchima ikiye apwile nakulikomokela. Talenu, ikiye apwile *nakutalilila* mwaya nakupwa kuze, oloze ikiye kapwilenga na sapiko.

<sup>91</sup> Oloze kumwe, ha likoji lya Kalunga, Ikiye kangutachikizako. Omu Ikiye angulwekele kuze nakuya nakupwa mulusu utomonoka, Ngwapwile na sapi. Kangwakakasanyineko chipwe chindene, chipwe chindende. Ngwalumukile kuli ikiye, kaha Ngwambile ngwami, “Sepa, mwaya nakupwa kuze.” Kaha kupwa kaha nge omu Ngwalumukile, kuze kwapwilenga mulusu [Hatepu hapimbi—Muka.] kwimana helu hali etu, pamo chimbwa cha mailosi.

<sup>92</sup> Ikiye ambulile vivajilo, ikiye ambile nngwenyi, “Billy, ngukafwe yami, napu mulusu wamunene!”

<sup>93</sup> Talenu, ize sapi, chimweno, lize Lizu lya Mwata, kakweshi chuma chinahase kwalumuna Echi mokomoko kwimika Chize. Chuma muka liuka linatondeka ufukuuno keshi shikolako. Chuma muka liuka linatondeka ufukuuno keshi chikungulwilo ko. Chuma muka liuka linatondeka ufukuuno keshi jishimbi jauthuko. Chuma muka liuka linatondeka ufukuuno shina sapi

ya Visoneka, Chikolo. Hiya, Kulishitu ikiye Chikolo, kaha Ikiye napu Lizu. Lufwelelo mu Lizu lya Kalunga wakuyoya kujika kala chikolo.

Kalunga, tuhane etu sapi. Tuhane etu sapi.

<sup>94</sup> Hepelewu, kapetulu 12, ngwenyi, “Kumona nge etu vanatujingilika na livwi lyalinene, echa tuhake kusali kala vyuma vyeji kutulemuwisanga, kaha kuzeneka kufwelela chize cheji kutuhonesanga.” Echi kuhanjika “shili,” eyi, *shili* yinapu “kuzeneka kufwelela.” Talenu? Shili yimwe kaha, ikiko kuzeneka kufwelela.

<sup>95</sup> Kaha *shili* kulumbununa “kupasana lusona.” Nge ove uli nakwasa, ove muhona haze hapopo, kaha wahisa uta wove, talenu, mwomwo kuli chumachimwe chinahenge. Enu mwaluwisa lusona. Talenu, kukinduluka na kweseka. Talenu? Echi chalumbunukila kwalumuka nakujinguluka, enu munajimbalisa haze hapopo. Omwo enu mwatondo kupwa Mukakulishitu, kaha enu namuya nakulinunga na liuka, enu mwajimbali shile lusona. Omwo ove unatondo kupwa Mukakulishitu, kaha ove vanakusapwila mu lijina lya “Tata, Mwana, Shipilitu Wajila,” ove wahonanga haze hapopo. Watela kwiza nakukinduluka. Ove kaweshi kuhasa kupwa ha chuma chiveneko. Ove nauya nakumwanga, nge omu kaye. Kuli kaha Chuma chimwe chinahase kukukwachilila mumukana wakukupuka, echi chinapu Chisoneka, eyi Mbimbiliya, eli Lizu. Mwomwo, melu osena na mavu nawakaya nakuhita, oloze Lizu lya Kalunga kalyeshi kahitako.

<sup>96</sup> Shikaho, kwata sapi, lufwelelo mu Lizu! Kaha kala lufwelelo lwalundende nge ove mufwelela, kaha kanda kukakasanako numba kamwe, ove unahase kusokolola chikolo chosena chize chinemana mukachi kove na kukisula chize Kalunga ali na ove. Echa Kalunga atukafweko etu kupwa na jisapi, chikiko kulomba chami. Echa etu tunongame mitwe yetu jino ha lizu lya kulomba.

<sup>97</sup> Ove Tata wa Mwilu, etu twasakwilila Ove ufukuuno nge Ove unamuhane etu sapi yakusokolola kuli etu ulwilo. Ngwa—Ngwakusakwilila Ove hali chize, Mwata, nge etu vanatulwili, kaha ha sapi ize etu tunapunga vakuzachisa chikuma. Oloze, Kalunga, tuhane etu lufwelelo, nge kala Mazu vasoneka mu Mukanda Wove unapu waundende, kaha eyi Sapi vavuluka kupwa Yesu . . . echi Chikolo, Ngwatwale mu, kuvuluka ngwavo Yesu; kaha eyi sapi, vavuluka kupwa lufwelelo, kukwata kala Lizu, nayiya nakusokolola echi. Nayiya nakutambukisa kapachiso kakandende kaha etu tunahase kwingila mukukisula. Tata wa Mwilu, tuhane etu jisapi, mangana etu tupwenga na lufwelelo mu jishiko ja Kalunga, nge lufwelelo lwetu kalwahonako, nge etu tunahase kupwa wakatela kupwa mumulimo kuli Enu kaha navaze etu twalikwata navo.

<sup>98</sup> Ngukonekele shili jetu josena ja kuzeneka kufwelela, Mwata, kaha tukafweko tupwenu Wove. Etu tuli nakwiza jino kumesa ya kulikata, kaha Ngwalombo, Tata wa Mwilu, nge Ove muya nakutukonekela etu hakuzombojoka chetu jishimbi, mangana etu tupwenga vakuhasa kwingila mu kuwahilila cha kulikata kujinguluka kumesa ya Kalunga. Etu twalombo echi mu Lijina Iya Yesu. Amena.

<sup>99</sup> Ndumbwami walunga, ndumbu wapwevo, kachi ove uli na sapi yaku Wangana, ize sapi ya Chikolo, sapi ya ulwilo, Kalunga amikase enu kusokolola vikolo na kwecha Yesu kwiza nakwingila. Echa Ikiye akuhane ove vyuma vize ove mangana—shikaho kufwila.

<sup>100</sup> Jino, chindende kaha shimbu kanda etu tuputuke kutanga ha kulikata, Ngwatondo kuhanjika chuma chimwe mwomwo echi chili ha kulikata. Kaha omwo etu natwiza kuli ou kamenga, kuli kaha jila yimwe kwiza, shina, kachi etu natumbata sapi ya lufwelelo mulivoko lyetu, mangana etu tutachikize nge jishili jetu vanajikonekela. Kaha kachi etu katweshi na sapi yakusokoloka kuli chize Chikolo, nge jishili jetu vanajikonekela, etu katweshi na mulimo wa kumesa ya Mwata. Mwomwo, ikiye uze mwalya na kunwa chakuzeneka kutela, mwalya na kunwa nakulikokela kupaya kuli lyavene, keshi nakutumbununa mujimba wa Mwata. Jino, ou unapu muchano.

<sup>101</sup> Ngwashinganyeka etu vosena tunatachikiza nge lelo linapu likumbi Iya National Communion Day. Eli linapu likumbi lize mauka osena kupwa na kulya mbolo. Eli linapu National Communion Day. Kaha Ngwashinganyekele nge nachiya nakupwa chakutela kuhanjika eli lizu mokomoko kavali ha kulikata shimbu kanda etu tuyilye, shimbu pashita, kachi ikiye mwasaka, nakupwa kaha wakulizanga na Visoneka kutanga cha—chiyulo cha mesa ya Mwata. Jino, echi kulikata... Jino, Kangweshi kumbata oloze ha minyutu teni.

<sup>102</sup> Echi kulikata chize etu tuli nakutonda kumbata, chinapu kulipika chachinene cha kala kunangula mu Mbimbiliya. Nge apwile wavo...umwe wavo kulipika chavo muliuka lyatete. Kaha lelo va Kakulikanga, va Episcopalian na va Mesondisiti, kaha vavavulu va mumauka ava Vakulikanga, mwaya nakupwa wakuwahilila kwitavila Katolika, Kunangula cha Katolika yamu Loma, kachi vakiko navaya kuze na mulumba wa mbolo. Oloze vakiko navaya nakwitavila nge kapilishitu atela kupwa vakakuzata, lize liuka Iya Katolika lyetavijile havyuma vimwe kakavulu mukulikungulula na kuliwana. Vakiko kwitavila hali echi. Kaha vakiko navaya nakulivwasana ha malombo akuhandunuka, na vyangocho, liuka Iya Vakulikanga kuya na kwitavila echi. Kaha chize katekizimu na vyangocho, uze kamenga wamundende hano na kuze, kaha liuka Iya Katolika lili nakufwila kulinga chize. Oloze omu kwejile kulikata, haze vakiko haonene. Kalamuthu uze

atangaho lyehi mujimbu atachikiza ngachize. Oloze, mukiko vene, mujila yami yakushinganyeka, vakiko kupwa na vyavivulu kufumako, shimbu kanda Ngu—Ngunahase kwitavila echi, mwamono, mwomwo keshi Mbimbiliya ko.

<sup>103</sup> Oloze Ngwatondo enu kuhanjika chuma chimwe kuliuka lya Katolika. Munatachikiza liuka lya Katolika, kukuputuka, lyapwile liuka lya chipositolo? Punduvene mukiko chapwile! Chapwile mukuputuka cha liuka. Kaha enu mwamono halihi vakiko—vakiko vakwechi echi, vakiko vatwalileho kufumisa eli Lizu na kuhakamo jishimbi jauthu.

<sup>104</sup> Kaha kachi liuka lya Chipendekosita lyatela kupwa mummyaka yikwavo handulendi, nachiya nakupwa hahasuku na Mbimbiliya kuhambakana liuka lya Katolika lili lelo, kufuma mujila ili nakuya jino.

<sup>105</sup> Echi chambachile liuka lya Katolika, myaka handulendi kufuma kuli Echi, myaka seli handulendi, kufuma muliuka mukulivanga mukulivwasana cha liuka lya Katolika yamu Loma, lize vaputukile kulovoka. Kaha vakiko vakwachiwile, kuputuka mukulema na vyuma, kaha vakiko kuvatula *echi* na kuhakamo *echi*, kaha kufumisa *echi* nakuhakamo *chize*, kaha kufumisa makombelo avakakuzeneka kutachikiza kalunga na kuhakamo kaponya ka Vakakulishitu, kaha na vyangocho, kaha kulivwasana hali Chize palanga vakiko kwiza nakwingila chuma vakiko vakwechi jino, liuka lya Katolika yamu Loma.

<sup>106</sup> Kaha liuka lya Pendekosita Vakakulikanga kufuma mu—mu myaka fifite yize yinapungako, kaha kuze yaholokele kufuma kuze yaputukile, nachiya nakupwa chakuhambakana liuka lya Katolika, mummyaka handulendi kufuma hano jino. Echi chakwoloka. Eli linapu lizu lyalinene kuhanjika, oloze tala kaha kuze vakiko vanaholoka kufuma. Vakiko vayile nakwingila mukulivwasana, vakiko vayile muze vene nakulivwasana hali *echi* na *chize*, kaha vyumavimwe nawa. Kaha kuze vakiko vayile, talenu, kuya nakukinduluka.

<sup>107</sup> Oloze, *kulikata*, echi vavuluka “kulya cha Mwata chachingoloshi.” Jino, vathu vavavulu, vakiko vanatondo kumbata echi chimene. Kahanjikile mu Mbimbiliya ko chapwilenga kulya Cheneyi *chachimene*. Kaha omu ava vathu lelo, omu vakiko vanahase kuhanjika “kulya cha Mwata cha chingoloshi,” kaha vakiko kaveshiko. Vakiko vavatukile kufuma kukulya chachingoloshi, kaha kujima chize, kaha “kuvuluka kulya chaufuku,” chakuzeneka mangana. Kulya cha chingoloshi!

<sup>108</sup> Jino, lwola lwosena kulipika na mu lwola lwa Mbimbiliya, echi chapwilenga kulipika jino. Vaze vathu vahonene kwivwushisa chize kulya cha Mwata chachingoloshi. Omwo vakiko vejile kumesa, Paulu avalwekele vaze Vakakolinde, vakiko vapwile nakwiza na kunwa kumesa ya Mwata. Talenu,

echi vachihonanga kwivwushisa hazevene. Ikiye ambile ngwenyi, “Kachi ove unatondo kulya, lyako kwimbo.”

<sup>109</sup> Kaha chuma chikwavo, vahonene kwivushisa, chumamuka chapwile. Vakashili, kaha mthu kuyoyela mushili, kwiza na kumbata kulikata. Kaha chize kavachivwushishileko. Lunga kulinga ujila nanaye, muhalika wa naye, kaha liuka lyatachikijile; hanga chalya mbolo kumesa.

<sup>110</sup> Kaha muze mwapwilenga kulipangununa mukachi kavo, kaha vakiko vapwile hanga chivalya mbolo. Ikiye ambile ngwenyi, “Ngunewwushisa nge enu kutambuka nge vosena Vakamafuchi eka na eka. Kaha muli—muli kulipika mukachi kenu, nge muli—chikumanyi mu zuvo ya Cephass, na vyangocho.” Ambile ngwenyi, “Ove kutambuka nge vosena Vakamafuchi eka na eka.” Talenu, chize kachapwile kwivwushisako.

<sup>111</sup> Echi kulikata chinapunga lwola lwosena kuhona kwivwushisa. Jino, Ngunahase kuya hali jiola, oloze etu twatela kupwa na echi kulikata na kumahinji. Jino vakiko kusezako kulisanyisa ku-mahinji hamwe, oloze kupwa kaha chhindende nge vikungulwilo. Vavavulu va Pendekosita vakwechi mwosena kufuma muli chize. Talenu? Kaha echi chili lika mu Mbimbiliya mujila kaha vachisonekele. Talenu?

<sup>112</sup> Jino, Loma keshi kuvuluka echi kupwa “kulikatako.” Vakiko veji kuchivuluka kupwa “kulya mbolo, chinapu kulya mbolo yajila.” Vakiko kavapwile nakulikatako, oloze valilenga mukate na vinyo. Yapwile mukate na vinyo kumbata vene kulumbununa chivene cha kulikata. Ize *mukate na vinyo* kulumbununa “kulikata.” Vakiko veji kumbata kulya mbolo, kushinganyeka (nge mukulinga echi mu mbolo) nge Kalunga mwaya nakuvakonekela vakiko jishili javo, ha kumbata “mujimba wa Kulishitu, uze kapilishitu alumukile ku Mujimba na Manyinga a Kulishitu,” kumbata chize, kushinganyeka nge Kalunga mwaya nakufumisa jishili javo ha kulinga ngocho. Echi chinapu kulya mukate na vinyo.

<sup>113</sup> Va Kakulikanga kuvuluka echi “kulikata.” Kulikata kulumbununa “kusakwilila.” Vaze vakiko Vakakulikanga... Va Katolika kulya mukate na vinyo, mu kulya mukate na vinyo kutalilila nge Kalunga mwakonekela vakiko havilinga vyakuhenga. Vaze Vakakulikanga veji kumbatanga na kusakwilila ha chuma muka chinalingika na kulikata hamwe na Kalunga; kulikata na Ikiye, nge chinalingika lyehi. Va Katolika kutalilila nge chinalingika; Vakakulikanga kuhanjika chinalingika lyehi. Va Katolika vali nakulikomokela kachi jishili jenyi vanajikonekela; vaze Vakakulikanga vali nakwitavila nge vakiko vanakonekela, nge ikiye ali wakukasunuka. Kaha kulikata chinapu kushimutwila na Kalunga. Kaha eyi mikanda etu tunambate, keshi *mumalutalililoko* nge jishili jetu vanajikonekela, oloze vakiko *vana* vakonekela. Mwomwo



echi. . . Umwe napu lutalililo; kaha mukwavo umwe napu lufwelelo. Umwe ali nakutalilila ikiye kupwa chakwoloka; kaha mukwavo natachikiza nge ikiye ali wakwoloka. Talenu? Uze umwe mukwavo, umwe kutalilila, mwomwo ikiye natachikiza oho emanyina; mukwavo atachikiza nge ikiye ali wakwoloka, mwomwo ikiye atachikiza omu ahanjikile Kalunga. Mukiko kaha. Echi chikiko chihandwa. Shikaho, omwo enu muli kaha nakutalilila, pwenu vakuvanguluka; oloze omwo enu munatachikiza, kahajino yenunga lika. Talenu, jino enu muli mukulikata na Kalunga. Vakakulikanga vanapu, ikiye ambile ngwenyi ikiye vanamukonekela kaha ikiye achitachikiza; nge Katolika yikwechi kulya mukate na vinyo, malutalililo nge ikiye mwaya nakupwa wakukonekela. Echi chili kaha nge echi: umwe ali mukakulombalombalomba, kufwelela nge vyuma vyosena vili vya kwoloka, talenu; uze mukwavo umwe kupwa mukakulombalomba kusakwilila ha chuma chinalingika. Vakiko vosena vanapu vakakulombalomba. Oloze umwe alilomba, kutalilila ikiye kuya nakupwa nacho; mukakulomba mukwavo atachikiza ikiye atambwile, kaha amusakwilile Ikiye akumuhanacho ikiye. Jino, haze hakiko hali chihandwa. Echi chinapu kulikata. Eyo, mwane. Umwe ali nakutalilila chize ikiye vamukonekele; mukwavo atachikijile nge vanamukonekela, kaha kuhana kusakwilila hali echi.

<sup>114</sup> Shikaho, kulikata chinapu cha Vakakulishitu vaze vakusemuka chachihya mu Shipilitu ya Kalunga. Kaha *kusemuka chachihya* kacheshi na jila yakulumbununa jino nge enu mukwechi Shipilitu Wajila. Jino anuka. Jino, vavavulu veji kunangulanga ngachize. “Ngunahono kutachikiza kalamuthu uze eji kunangulanga echi nge ngana,” nge Ndumbu walunga Arganbright ambile ngwenyi ufuku kufuma mukamenga hano, talenu. Oloze, kusemuka chachihya kacheshi lujimiko lwa Shipilitu Wajila. Chize Chisoneka kachakafwako, Kangwashinganyeka, talenu, mujila yami yakumona echi. Talenu? Ngwafwelela nge ove unapu wakusemuka chachihya. . .

<sup>115</sup> Kaha ou ukiko mulonga Ngweji kuzachisanga eli lizu lya lujimiko muli Lijina lya Yesu Kulishitu, oloze keshi kutungulukako. Jino, va Pendekosita, liuka lya United Pentecostal, kujimika muli Lijina lya Yesu Kulishitu kupwa kutungulukuka. Kangwafwelela chizeko. Kaha vakiko vanahase kuchilinga kachi vakiko vanatondo. Oloze Ngwafwelela nge Petulu ambile ngwenyi, “Pihililenu nakwalumuka,” chatete. Meya kawajima jishiliko. Eyi Church of Christ kunangula echi mujila kana. Oloze Ngwafwelela chize kwalumuka nakupihilila, ushona wakukomoka kalunga; kwalumuka *nakupihilila* kulumbununa “kwalumuka nakujingulukuka, kuya kunyima,” ove wajimbalishile lusona, “putuka cheka.” Linga chize chatete! Kaha lujimiko lwove mumeya lunapu kaha kusoloka chakuweluka kuhanjika chumachimwe kupwa chakulingika

mukachi kove, nge ove unamumwitavila Kulishitu kupwa Mulwilo wove.

<sup>116</sup> Ngwashinganyeka chili kaha liuka hano ufukuuno, nge omu Ngwatachikiza, Kangweshi hano wakutamo kutachikiza hiya eji kulinganga na kwiza mokomoko chiku. Ngukwechi kutoleka chachindende hano keshi kunyima chikumako ha kujimika muthu muno muchijiva, mukweze wamwaka. Kaha Ngwayile kuli ikiye, ikiye apwile muthu wamwaza wamwaka. Ngwapwile nalisesa lya kutwaminyina chisaka chosena kuli Kulishitu, vosena muli vakiko Vakakulishitu. Ou lunga wakashinakaji apwile lunga wamwaza wamwaka, kaha Ngwamuzangile, shikaho Ngwayile kuli ikiye kaha Ngwambile ngwami kuli ikiye, “Tata, mwomwoika ove unahonene kwiza nakupwa Mukakulishitu?” Ikiye anguzanga yami.

<sup>117</sup> Ikiye ambile ngwenyi, “Ndumbu walunga Branham, Nanguya nakupwa Mukakulishitu omwo Ngunahase kupwa wamwaza chikuma.”

<sup>118</sup> Ngwambile ngwami, “Kukulweka ove mwakulingila, Tata. Ove tala nakujinguluka palanga ove muwana kuze ove unahase kulinga mwamwaza, jino kungulweka kulihi kuli chize chihela, Ngwatondo kuya, nawa.” Ngwambile ngwami, “Kulishitu kanda lyehi ezenga nakulwila muthu wamwaza. Ikiye ejile nakulwila muthu wamupi.” Omwo ove mushinganyeka nge ove uli wamwaza, kahajino Ikiye kejile nakulwila ove ko. Ikiye ejile nakulwila vakiko nge Ikiye atachikiza kupihya. Talenu? Kulishitu afwile nakulwila vakashili. Talenu? Kaha Ngwambile ngwami, “Tata, kuli mukana hano.”

Ikiye ngwenyi, “Chamwaza, Ngweji kunwa makanya.”

Ngwambile ngwami, “Kangweshi kuya nakuhanjika hali vakikoko.”

Ikiye ambile ngwenyi, “Nguneseka kuvahana vakiko, Ndumbu walunga Branham.”

Ngwambile ngwami, “Chosena chakwoloka, etu katweshi kuya nakuhanjika ha makanya ko.”

Ikiye ngwenyi, “Chamwaza, omwo Nanguhasa . . .”

<sup>119</sup> Ngwambile ngwami, “Kanda—kanda kuhanjika chuma chekako hali vakiko, echa vakiko vayenga. Ngwatondo kukuhula ove chihula.”

Ikiye ngwenyi, “Chosena chakwoloka, chuma muka echi?”

Ngwambile ngwami, “Ove wafwelela nge kuli Kalunga?”

<sup>120</sup> Ngwenyi, “Punduvene, Ngwafwelela echi.” Ngwenyi, “Ngwafwelela nge wakujikiza nge omu muli nakulinga, Nangushinganyeka, Ndumbu walunga Branham.”

<sup>121</sup> Ngwambile ngwami, “Ove wafwelela nge Kalunga youmwe azaukile na lunyungo Lwenyi kaha vamulingishile kupwa

wamasonyi na kutwama mukachi ketu muli muthu wa Yesu Kulishitu, mangana alwile muthu?”

Ikiye ngwenyi, “Eyo, Ngwafwelela chize.”

“Kaha Ikiye afwile mangana alwile vakashili nge omu uli na Yami?” Talenu?

“Eyo, Ngwafwelela chize.”

<sup>122</sup> Ngwambile ngwami, “Jino, echi chili kaha nge ngachize. Etu tuli vosena muzuvo yayinene hano, kaha etu tuli mujele, kaha Kangweshi kuhasa kwimana hali eyi mbango na kuhanjika ‘*echi* nachiya nakungukafwa yami kulovoka mukamenga,’ Ngwemanyine haze hambango kaha kuhanjika ‘*chize* nachiya nakungukafwa kulovoka mukamenga,’ etu tuli vosena mukukashiwa chimwe. Kaha kala muthu uze asemukile muno mukaye apwile wakusemuka mushili, wakusongolola mu upapwoke, kwiza kukaye nakuhanjika makuli. Ikiye napu ndoji, kukuputuka.”

<sup>123</sup> Mthuumwe ahulile likumbi likwavo, ikiye ambile ngwenyi, “Ndumbu walunga Branham, kachi...kunahase kupwa chihandwa mukachi ka Alama na Eva, kaha vana vavo lelo, kachi vakiko vapwile vauselesele, kutambuka mu... Kumana—mwaya mijimba yavo kupwa yoyimwe?”

<sup>124</sup> Ngwambile ngwami, “Nduma, mwane.” Etu twapwile nakwiza kwimbo kufuma ku mihale, Ndumbu walunga Fred na Yami, na lizavu lyavo. Ngwambile ngwami, “Nduma, vakiko kaveshi kupwa chochimweko.”

<sup>125</sup> Ngwenyi, “Ove unalumbununa Eva keshi kupwa pwevo nge vana venyi vama pwevoko, kaha Alama keshi kupwa lunga nge vana venyiko?”

Ngwambile ngwami, “Mu kalemesa vavavulu, oloze keshi mukulemesa chakumujimbako.”

Ikiye ngwenyi, “Chihandwa muka nachipwaho?”

<sup>126</sup> Ngwambile ngwami, “Vakiko kaveshi kupwa nakala muchinji. Vakiko vavatengelele. Chakwoloka. Vakiko kavapwile vakulilunjika kuchuma chimwe.”

<sup>127</sup> Kachi chize nachineha mihako ha kalachuma chize chinasemuka muli kano kaye, kulumbununa wakuzeneka kutela, kukuputuka. Echi chakwoloka. Ngwambile ngwami, “Punduvane, kuli chihandwa. Vakiko kaveshi kuhasa kupwa navoko. Vakiko kavapwile kulinunga nakala pwevo ko, kwiza hano.” Talenu, Kalunga avatangile vakiko.

<sup>128</sup> Jino, Ngwambile ngwami, “Ngwatondo kuhanjika chuma chimwe. Muthu wosena mukamenga, ou ali wakujila? Hiya uze umwe kasemukile kuhixchila muusundako? Hiya uze umwe nahase kukafwa weka, chipwethuhu apwile ikiye hiya? Etu tuli vosena mukamenga youmwe. Oloze Kalunga alilingishile

Lyavene kupwa tengeso Yenyi na kwiza kuhambakana kuhichila muusunda, kuhichila mu Manyinga a kujila nge Ikiye atengele Lyavene, kaha kuhichila mu Manyinga Ikiye atusokwele.” Ngwambile ngwami, “Ove wafwelela chize, Tata?”

Ikiye ngwenyi, “Ngwafwelela chize.”

<sup>129</sup> Ngwambile ngwami, “Kulishitu afwile hali muthu wamupi nge ove. Jino, kuli kaha jila yimwe yakulinga. Kakweshi chuma ove unahase kulinga. Ikiye kukuhanacho ove. Ove kaweshi kuchimona kulema. Kaweshi kulinga nakupwa na echi. Ikiye nachihane kuli ove. Ove muya nakwitavila chuma Ikiye akulingilile ove, kukulama ove kufuma muhetese?”

<sup>130</sup> Ikiye ngwenyi, “Nanguya nakulinga ngachize.” Ikiye ngwenyi, “Oloze kachi Nanguhasa kaha kufumisa awa makanya.”

<sup>131</sup> Ngwambile ngwami, “Awa makanya nawakaya nakulizakamina avene. Ove uli kaha . . . Kangweshi nakukuhula ove ko. Kangweshi chijishimbiko. Ngwafwelela mu likoji. ‘Kaha vosena Tata nanguhane Yami navaya nakwiza kuli Yami.’” Ngwambile ngwami, “Kachi ove wafwelela echi na muchima wove wosena!”

Ikiye ngwenyi, “Na muchima wami wosena, Ngwafwelela echi.”

<sup>132</sup> “Kahajino ove mwitavila echi ha chikuku, nge ove kaweshi wakutelako, oloze Ikiye napu Umwe uze ali wakutela? Kanda kutala hali ove lyaveneko; tala hali Ikiye, mwomwo ove kaweshi kuhasa kulinga chuma chimwe hali ove lyaveneko. Tala hali Umwe alingile chuma chimwe hali ove. Ngachilihi Ikiye?”

“Mamalelo,” ikiye ambile ngwenyi, “Ikiye ali wakutela.”

Ngwambile ngwami, “Mukiko kaha, jino mwitavila chuma Ikiye mwakuhana ove.”

Ikiye ngwenyi, “Ngwalingamo.”

<sup>133</sup> Kaha Ngwamujimikile mu Lijina Iya Yesu Kulishitu. Kaha ikiye ayile nakulovoka muno na kumunyika helu Iya likanya.

<sup>134</sup> Milungu yayindende kunyima okwo Ngwapwile nakushikumuka kuchihela cha kwimbo. Ngwamwene chimweno ufuku umwe, wa mutondo atuta kupwa wakuvatula, kuwalumuna kafula kamakonde. Ngwamwene mavaya akupopela haukiko. Chakulihata na lize livaya Iyamakumishilo kwapwile livaya Iyakulimanyina. Kaha mwishi yalize livaya, kwishi chikuma kutwala kusongo, kulovoka nge *ngana*, uze mutondo kuhokoka. Kaha Lizu ngwalyo, “Echi chatela kupwa ove,” mokomoko, “Echi nachipwa ove.” Kaha Papa Cox kuholoka, kuvetaho nyima yenyi *haze*. Kaha shikaho chimene chikwavo vakiko vanehele makanya eyi kuli ikiye omwo ikiye apwilenga mukahela, kufwila chamusele ikiye. Milungu kunyima okwo! Ikiye kanda amakila umwe, kanda numba

kutonda chuma chimwe mokomoko chuma chekako. Talenu? Kaha Ngwamumwene ikiye hanyima chindende, omwo mavoko eyi apwile asweuluka, milungu yayindende hanyima okwo, na makanya, kaha jino ikiye keshi kuhasa numba kwimana hali umweko nakumujinguluka ikiye. Kuhaka chuma chatete! Kanda kweseka kupwa wamwaza; ove mupwa wamupi, kukuputuka, kaha kwauchi ove mulinga. Kuli mufunda wakuhandununa, kaha vathu vosena vali kusali kana.

<sup>135</sup> Jino, omu Ngwasemukile muli kano kaye, kapwile kamuchisaka cha kujila, mukachi ka tata na mama; mulijimo lyenyi kupwa nge liulu, muli tata mumaundu eyi ngwapwile linyinga. Kuyoya chami kupwa na manyinga (keshi akuliulu lya mamako), shina manyinga a tata. Kaha omwo kaze kaliundu ka manyinga kuya muchihela chacho kuliwana na liulu, omu alingile, chisemwa chapwile chakuhana kuli Kalunga kunguhana yami mujimba. Kaha jino chize Ngwapwile jino kusemuka nakwingila mumuyachi wa uthu, Vanguhanyine lisesa ku—kwiza nakupwa muthu wamangana nge omu vapwa vathu, kuze Ngunahase kwendesa motoka, mokomoko Ngunahase kulinga vyuma nge vathu kulinga, kutambuka, kuhanjika, kwendesa motoka, na vyangocho. Vanguhanyine chize, mwomwo Ngwasemukile mu chisaka cha muthu, kaha kuhana ngolo ja mangana kupwa muthu.

<sup>136</sup> Jino, omwo Ngwasemukile mu chisaka cha Kalunga, Ngwejile na Manyinga, Manyinga anguhanyine Kuyoya. Kaha jino hanyima Ngwejile nakupwa wamutonyi muli Kulishitu, Ikiye angujimikile hamwe na Shipilitu Wajila na ngolo, kupwa mwana Kalunga. Jino, kupwa kaha nge Ngunahase kutambuka, kuhanjika nge muthu kupwa, kwendesa motoka yami nge muthu, jino omwo Nangukatambula Shipilitu Wajila, Ngwatambula ngolo jakutapula maliyavolo, kuhanjika na malimi amahya, kunangula Mujimbu wamwaza, kuka vakakuviza. Vangujimika! Keshi kusemukako; oloze kujimika!

Vakiko vapwile vakukunguluka muze  
mukapete kahelu,  
Vosena kulomba mu Lijina Lyenyi,  
Vakiko vavajimikile na Shipilitu Wajila,  
Kaha ngolo ja kwiza.

<sup>137</sup> Amena. Enu mwafwelela mu Kuyoya cha Hayamyaka, kaha kusemuka chachihya ha lufwelelo lwove. Yesu ambile ngwenyi, muli Mukakujila Yowano 5:24, “Wosena mwevwa Lizu Lyami na kufwelela hali Ikiye uze angutumine Yami, ali na kuyoya cha hayamyaka,” keshi Shipilitu Wajila, ali kaha na kuyoya cha hayamyaka. Ikiye mwasemuka mu chisaka cha Kalunga. Kaha jino kujimika muli Shipilitu Wajila, na ngolo ja lufwelelo, kufwelela Mujimbu wamwaza na kuhaka Echi kumulimo na kulinga Echi kupwa chakwoloka. Amena. Kahajino ikiye vilinga nge mwana Kalunga. Kahajino ikiye nahase kutapula

maliyavolo. Yesu ngwenyi, “Evi vinjikizo navikavakavangizanga vakiko!” Talenu? “Mu Lijina Lyami navakatapula va ndemone, kuhanjika malimi amahya, kukwata manoka, kunwa vyuma vya kufwa.” Talenu, ikiye atambwile ngolo kuli Shipilitu Wajila, kulinga vyuma kana.

<sup>138</sup> Jino, omu Ikiye afumineko nakuya, Ikiye ambile ngwenyi, Ikiye ambile ngwenyi, “Chinapu chakwoloka Yami kuvangila Nguyenga. Mwomwo, kachi Kangweshi kuya nakufumako, ou Shipilitu Wajila keshi kuhasa kwizako.” Talenu? Jino omu Ikiye kwiza, Ikiye mwaya nakwinjikiza nge kaye kanapu ka shili, kaha kunangula kwoloka, kaha kusolwesa enu vyuma vili nakwiza (vize vimweno). “Ikiye mwaya nakumbata vyuma vize Ngunanangula kuli enu, na kuvisolola kuli enu.” Aze vene Mazu aze Ikiye ejile... Naumwe muthu nahase kwivwushisa eli Lizu kusali ya lujimiko lwa Shipilitu Wajila. Kaha omwo muthu mwahanjika ikiye akwechi lujimiko lwa Shipilitu Wajila, kaha kukana Lizu kupwa lya kwoloka, kuli chuma chimwe chakuhenga.

<sup>139</sup> Paulu apwilenga kutoleka cha Tesitamende Yayihya. Echi kachapwile, Tesitamende Yayihya kayasonekeleko. Paulu apwile mukakutoleka cha Ukulishitu, Saulu. Kaha omwo ikiye atambwile Shipilitu Wajila, ikiye ayile mumyaka yitatu Nge matemba na kutanga Visoneka, mwomwo ikiye vamunangwile kuli Gamaliel, mulongeshi wamunene. Kahajino omwo ikiye akindulukile, na myaka fwoteni, ikiye ayile nakuliwana na Petulu ha Yelusalema, kaha kuwana vakiko vapwile Lizu na Lizu Mujimbu wamwaza woumwe. Uze Kalunga youmwe uze apwile na Petulu kunangula ha likumbi lya Pendekosita kaha kuvalweka vakiko kupihilila nakwalumuka kaha vamijimike mu Lijina lya Yesu Kulishitu, uze youmwe Shipilitu Wajila achisolwele echi kuli Paulu, kaha ikiye avalwezele vakiko mu Vilinga 19 hanyima vakiko vava jimikile lwola lumwe na Yowano, ngwenyi, “Ove watela kukujimika cheka, mu Lijina lya Yesu Kulishitu.” Talenu?

<sup>140</sup> Talenu, ou Shipilitu Wajila natwame kaha na Visoneka. Lufwelelo lwacho muli Chize cheji kusokolola mangana akuswamana. Amena. Eyi Mbimbiliya ngwayo, mu Yowano Watete 5:7, “Kuli maunjiho atatu akukopa, Mwilu: uze Tata, eli Lizu (uze apwile Kulishitu), kaha Shipilitu Wajila. Ava vatatu vapwa Umwe.” “Kaha kuli vinjiho vatatu hano hamavu: meya, Manyinga, Shipilitu. Ava vatatu kaveshi umwe kahako, oloze vakiko valivwasana muli umwe.” Jino, enu kamweshi kuhasa kupwa na Tata chakuzeneka kupwa na Mwana, enu kamweshi kuhasa kupwa na Mwana chakuzeneka kupwa na Shipilitu Wajila; Vakiko vanapu Umwe. Oloze ove unahase kupwa wakuvulukila kwoloka chakuzeneka kupwa vakujilika, kaha enu munahase kupwa vakujilika chakuzeneka kupwa na Shipilitu Wajila. Kujilikiwa chili na Manyinga, kuhichila mu

Manyinga kwiza Kuyoya. Talenu? Kaha Shipilitu Wajila ikiye ngolo ja Kalunga, talenu, ngolo jakuhana kuliuka.

<sup>141</sup> “Enu namutambula” (ika?) “ngolo,” Vilinga 1:8, “hanyima ya Shipilitu Wajila neza hali enu. Ove mukaya nakutambula ngolo!” (Keshi “ove naukasemuka chachihya.”) “Ove muya nakutambula ngolo hanyima ya Shipilitu Wajila kwiza hali ove. Kahajino enu munapu vinjiho Jami mu Yelusalema, Yuleya, na Samaliya, mbwe nakusongosongo ya mavu.” Talenu? Enu namutambula ngolo hanyima enu kutambula Shipilitu Wajila. Oloze chatete enu mwatela kutambula Shipilitu Wajila, kaha ngolo ja Kalunga, talenu, kusolola na kusolola. Ove uli—ove uli...nge omu wapwilenga muthu, kaha kulinangula kuhanjika na kutambuka na kulinga vyuma vya muthu; omwo ove vakujimikile na Shipilitu Wajila, ove vanakuhane ngolo jakuzata nge vana vamaunga na vamaawevo va Kalunga. Shikangaho vathu veji kuzata na kulinga mujila vakiko veji kulinganga lelo, vakiko kanda lyehi vapwenga vakuzala na Shipilitu Wajila. Kachi vakiko navaya, vakiko navaya nakulunga mwakuhandunuka. Vakiko kulivuluka vakiko kupwa, oloze Yesu ambile ngwenyi, “Ha mihako yavo hakiko namukavejivila.” Shikaho omu enu munahase kulinga echi, enu mwamono, echi chinapu vyosena kulikwata. Talenu? Oloze kwiza kunyima kumuchano!

<sup>142</sup> Jino, kachi ove mutambuka mwakwoloka na kulivuluka ove lyavene kupwa Mukakulishitu, etu tunakusanyika ove ufukuuno ku mesa ya Mwata. Lelo, kukakasana chauchi, kulikata vanachimbate kulifuchi lyosena, vamwe vavo mujila yimwe na vamwe muli mukwavo. Oloze Ngwashinganyeka jila ya mwaza kulinga shina kukavangiza Visoneka, mujila kaha vakiko valingile mu Visoneka. Ngwashinganyeka nge nachiya nakupwa chakutambo.

<sup>143</sup> Ove uli na Mbimbiliya yove, Ndumbu walunga Neville? Ndumbu walunga Neville mwaya jino nakutanga Visoneka.

[Ndumbu walunga Neville ngwenyi, “Mu kapetulu 11 wa Kolinde Watete, kuputukila ha vasi 23:”—Muka.]

*[Mwomwo Ngwatambile kulki Mwata chize Ngwamiselelele nawa, Ngwami haufuku uze vamusolwele kuli vakakole Mwata Yesu anonele:]*

*[Kaha omu alingile hasakwilila lyehi, ayipuzwile, avambile ngwenyi, mbatenu, kulya; ou mujimba wami, vanahane hali enu: kalingalingenunga ngana mukangwanukilengaho yami.]*

*[Ngocho nalupasa nawa omu valingile, hivanali lyehi, ngwenyi, Elu lupaselu lunapu kushika kana echi mumanyinga ami: mwomwo chosena namulya, kakavulu nge enu kunwa mulupasa elu, muli nakuwilika kufwa chami.]*

[*Mwomwo chosena namulya eyi mbolo nakunwa mulupasa, muli nakuvilika kufwa cha Mwata palanganomu mwakeza.*]

[*Ngocho wose mwakalya mbolo eyi, na kunwa mulupaselu lwa Mwata, chakuzeneka kuchilinga nganomu chatela mwapwa na mulonga, mwakaya nakupwa namulonga wa mujimba na manyinga a Mwata.*]

[*Oloze muthu alyesekenga ivene, numbaakalye kumbolo akanwe mulupasa.*]

[*Mwomwo ou mwalya na kunwa kachi nge mujimba keshi kutumbununanako kaha ali nakulya nakunwa nakulikokela kupaya, hakuzeneka kutumbununa mujimba wa Mwata.*]

[*Hoho vene vanazeyela vavavulu muli enu vanavijilaho, kaha vavavulu vanasavala lyehi thulo.*]

[*Oloze twapwanga nakulyeseka etu vavene, kachi kavatusopeselako.*]

[*Oloze omwo navatusopesa, navatuzangamisa kuli Mwata, kuchina kutupayishila navakamavu hamwe.*]

[“Ou Mwata kisula kutanga cha Lizu Lyenyi.”]

<sup>144</sup> Echi lwola lwosena kupwa chuma chakujila, kupwa nachuma chakujila, Ngwashinganyeka etu twatela kunongama mitwe yetu kwingila mukulomba chakuhola. Ove ngulombeleko, Nanguya nakumilombelela. Echa tulombe umwe namukwavo, nge Kalunga mwaya nakutukuchila hali etu tengeso yakuzeneka kutela chize chinapu kumbata ize mbolo yakujila mukwanuka kufwa cha Mwata wetu.

<sup>145</sup> [Ndumbu walunga Branham kutanya nakukulombelela. Hatepu hapimbi—Muka.] Echi kulomba cha etu twalombo kuli Ove, Tata yetu, ha kamenga Kove kaulu, na Mulambu wetu, ou Mwata Yesu. Etu twalombo echi mu Lijina Lyenyi. Amena.

<sup>146</sup> Jino Ngwafwelela vakulwane navaya nakumbata chihela chavo, kaha vakiko navaya . . . na liuka, kaha vakiko navaya akuneha vathu nakwiza, mumukana ha mukana, kwiza kukulikata. Lwola lwosena kushinganyeka uze mwaso:

Ove Mukoko wakufwa, Manyinga Ove amwaza  
 Kayeshi kujimbalisa ngolo jacho,  
 Palanga Liuka lyosena lya Kalunga  
 Kupwa lya kulwila, likahone kuvulumuna.

Echa etu tunongame mitwe yetu.

<sup>147</sup> Kalunga walikoji kaha Tata Wajila, Yehova wamunene, kutuma kukisula Chove hali vathu Jove shimbu etu tuli nakuvandamina. Tukonekele jishili jetu. Kaha jino etu kuhana kuli Ove echi kujila, eyi vinyo, eji jipawa chize jinakolo, kaha



mavoko avakakuzata kulikwata hamwe. Kaha vayitungile mu vinyo mwomwo ya etu jino kuneha kuli Ove hali echi, nge chinahase kwimanyinako etu Manyinga a Mwata Yesu Kulishitu. Ngwalombo Ove, Tata, jilika eyi pungu. Konekela shili jetu. Kaha echa kala muthu atambule eyi vinyo kumijimba yavo, echa vakiko vapwenga vakulikangula, ngolo, na ulwilo kufuma kuli Ove. Tuhanecho echi, Mwata. Etu twalombo echi mu Lijina lya Yesu. Amena.

<sup>148</sup> Eyi Mbimbiliya yahanjika nge omu Ikiye apuzwile ize mbolo kaha kuyikisula, ambile ngwenyi, “Mbatenu na kulya, ou unapu Mujimba Wami wakuwokoka hali enu. Echi chilingenu mukungwanuka Yami.” Kaha omu etu natumba etu tuma twatundende twa mbolo, mukate, vanatungu kufuma ku yakuzeneka chimbawila, yakutunga kuli Vakakulishitu, yinapu mwomwo chinapu—yinapu kwimanyinako Mujimba wa Kulishitu. Etu tunevwushisa nge—nge apwile tumbaji va Kulishitu, mokomoko likumbi lya liuka, echi kulya chihanda kaha kutunga kulya chachingoloshi kupwa chakulizanga kukulya chachingoloshi, kukulya chachingoloshi cha Kulishitu. Kaha kushikumuka mu Mbimbiliya, chapwile chakulama nakuchihana kuli vathu. Kaha lelo, tumbaji va kutona, vandumbwetu hano va liuka, tumbaji va eli Mwomwo, mukakuzata kuli vathu. Kaha vakiko navaya nakumbata awa mangana na kuvahana vakiko vathu.

<sup>149</sup> Kaha jino omwo enu namutambula eyi mbolo, anuka, yemanyinako mwana Mukoko. Myaka yakunyima okwo omu mwana mukoko wa Isalale apwile wakwocha hakakahaya, kaha vamulilenga na mafwo amasasu, kaha vathu vapwile nangolo; jisapato jawo jakuvwala, uvwalo wavo kanda lyehe utanyuke, kuhita mwosena muungeji wavo palanga kuheta kulifuchi lya lushiko. Echa Kalunga atume etu wakulikangula, kuwahilila, kuzachila Ikiye palanga etu natuheta Lifuchi lya Lushiko nge Ikiye atuhana etu.

Echa tulombe.

<sup>150</sup> Tata wa Likoji wa Mwilu, nge omu Nguli nakuhanjika ufuku uno wa Shipilitu Wajila, wakuwilika Mujimba wa Mwata wetu, muli Ikiye mawatwama kuzalilila cha Ukalunga, omu Ngunashinganyeka Mujimba kupwa wakuminyina kaha—kaha kuhokoka, kaha Manyinga kuhita nakulovoka, nyima Yenji na jipachi Jenji kulikwata, kangalakangala kaha mbwe na munyima Yenji, omu Ngwashinganyekele ize mikonya, mbolo yakuveta, kwiza nakupwa cheka yituta mumichima yetu, etu twakuhaka michima yetu, Mwata, ha kamenga Wove ufuku uno. Tukonekele etu, Ove Kalunga. Kaha echa eyi mbolo yakuhokoka, shimbu ili nakuya mukanwa ka evi, Vangamba jove, kaha echa vakiko vatachikize nge apwile Mujimba Wove wamwaza uze va mukwachile na jimbandu, kaha ha mikiki etu twahinduka.

Tuhanecho echi, Mwata. Jilika eyi mbolo yakutamo ya kujina chenyi. Etu twalombo mu Lijina lya Yesu. Amena.

Kwachilila munyutu kaha.

<sup>151</sup> Echi kacheshi chakusoka kulikatako. Kala Mukakulishitu kufwelela kwitavila kumesa ya Mwata, kupwa na kulikata na etu...?...



*SAPI YAKU CHIKOLO* LVE62-1007

(The Key To The Door)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Katundwe mundende 7, 1962, ha Mbalaka ya Branham mu Jeffersonville, Indiana, U.S. A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2024 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)